

程

全蜀秩文志卷之十七

詩

時序

仲春郊外

唐王勃

東園垂柳徑西堰落花津  
物色連三月風光絕四隣  
鳥飛村覺曙魚戲水知春  
初晴山院裏何處染罽塵  
奉和鄭公軍城早秋  
杜甫  
秋風娟娟動高旌  
王帳分弓射虜營  
已收滴博雲間  
戍更奪蓬婆雪外城

中和夜聽歌聯句

武元衡

元衡在蜀淡於接物而開府極一時之選公綽為  
少尹正一觀察判官備度支判官裴度掌書記盧  
士玫觀察支使李虛中觀察推官楊嗣復節度推  
官

此夕來奔月何時去上天備雲鬟方自照玉腕更呈

鮮度嫵婉人間意颺颺物外緣公綽上相公詩裁明月扇

歌索想夫憐元衡奉暗染荀香久長隨楚夢偏復會

當來彩鳳髻逐神仙士

早秋西亭宴徐負外

前人

鼎鉉辭台座麾幢領益州曲池連月曉橫笛蒲城秋  
有美皇華使會同白社遊今來重相見偏覺艷歌愁

競渡曲

僧鸞

五月五日天清明楊花繞江啼曉鶯使君未出郡齋  
外江上早聞齊和聲使君出時皆有準馬前已被紅  
旗引兩岸羅衣破鼻香銀釵照日如霜刃鼓聲三十  
紅旗開兩龍躍出浮水來棹形幹波飛萬劍鼓聲劈  
浪鳴千雷鼓聲漸急標將近兩龍望標目如瞬波上

人呼霹靂驚竿頭綵掛虹蜺暈前舩搶水已得標後  
舩失勢空揮撓瘡眉血首爭不定輸岸一朋心似燒  
只將輸贏賞兩岸十舟互來往須臾戲罷各東  
西競脫文身請書上吾今細觀競渡兒何殊當路權  
相持不思得所各休去會到摧舟折檝時

蜀中春雨

鄭谷

海棠風外獨霑巾襟袖無端惹蜀塵和暖又逢挑菜  
日寂寥未是探花人不嫌蟻酒衝愁肺却憶漁蓑覆  
病身何事晚來微雨後錦江春學曲江春

和蜀縣段明甫秋成望歸朝

錢起

製錦蜀江靜飛鳥漢闕遙一茲風靡草再視露盈條  
旅望多愁思秋天更次寥河陽傳麗藻清韻入歌謠

蜀城春望

崔塗

天涯憔悴身一望一霑巾在處有芳草滿城無故人  
懷材皆得路失計獨傷春青鏡不忍照鬢毛應更新

好時節

元稹

身騎驄馬峩眉下面帶霜威卓氏前虛度東川好時

節酒樓元被蜀兒眠

成都遨樂詩

宋田况

四方咸傳蜀人好遊娛無時予始亦信然之逮泰  
命守益柅轅踰月卽及春游每與民共樂則作一  
詩以紀其事自歲元徂景至止得古律長調短韻  
共二十一章其間上元燈夕清明重九七夕歲至  
之類又皆天下之所共豈日無時哉傳之者過矣  
蜀之士君子欲予詩聞於四方使知其俗故復序  
以見懷

元日登安福寺塔

歲曆啓新元錦里春意早詰旦會朋衆羣游候騶導  
像塔倚中霄輦禱結重椽隨俗縱危步超若薄清昊  
千里如指掌萬象可窮討野闊山勢迥寒餘林色老  
遨賞空閭巷竭來誼稚耄人物事都閑車馬擁行道  
顧此懽娛俗良慰羈遠抱第憂民政踈無庸荅宸造  
二日出城

初歲二之日言出東城闈緹騎隘重郭游車空行塵  
原野信滋腴景物爭光新青疇隱遙壩弱柳垂芳津

邏卒具威械祭壇列重茵俗尚各有時孝思情則均  
歸途喧鼓鏡聚觀無富貧坤隅地力狹百業常苦辛  
設微行樂事何由裕斯民守候其勉旃亦足彰吾仁

五日州南門蠶市

齊民聚百貨貿鬻貴及時乘此耕桑前以助農績資  
物品何其夥碎瑣皆不遺編繡列箱筥飭木柄鎡鋤  
備用誠爲急舍器工曷施名花蘊天豔靈藥昌壽祺  
根萌漸開發藁載相參差游八術識賞善價求珍奇  
予真狗俗者行觀亦忘疲日暮宴觴罷衆皆云適宜

上元燈夕

予掌觀四方無不樂嬉游惟茲全蜀區民物繁它州  
春宵寶燈然錦里煙香浮連城悉奔鶩千里窮邊陬  
紛袞合繡袂輾轉馳香輶人聲震雷遠火樹華星稠  
鼓吹匝地喧月光斜漢流懽多無永漏坐久凭高樓  
民心感上恩釋頌歌神猷齊音祝東北帝壽長嵩丘  
二十三日聖壽前蠶市

龍斷爭趨利仁園敞邃深經年儲百貨有意享千金  
隄用先農事人聲混樂音蠶叢故祠在致祝順民心

二十八日謁生祿祠遊淨衆寺

千騎出重闔嚴祠淨宇鄰映林沾酒旆迎馬獻花人  
豔日披江霧香颺起路塵韶華特明媚不似遠方春  
二月二日游江會寶曆寺

昔日張復之

詠字也

來乘寇亂餘三春雖宴賞四野猶

艱虞遂移踏青會登舟恣游娛戎備漸解弛人情悉  
安舒垂茲五十年材哲不敢踰愚來再更朔遽及仲  
春初綵旆列城隈畫舫蒲江隅輕橈下奔瀨縱轡臨  
精廬因思賢守事所作民乃孚茲惠未爲大大者其

忘諸

八日大慈寺前蠶市

蜀雖云樂土民勤過四方寸壤不容隙僅能克歲糧  
間或容墮孳曷能備凶彘所以農桑具市場時相望  
野氓集廣鄣衆賈趨寶坊悖本誠急務戒其靡愆常  
茲會良足喜後賢無忽忘

寒食出城

郊外融和景濃於城市中歌聲留客醉花意盡春紅  
游人一何樂歸馭莫怱怱

開西園

春風寒食節夜雨晝晴天日氣薰花色韶光徧錦川  
臨流飛鑿落倚樹立鞦韆檻外游人蒲林間飲帳鮮  
衆音方雜選餘景更留連座客無辭醉芳菲又一年

三月三日登學射山

麗日照芳春良會重元巳陽濬脩祓除華林程射技  
所尚或不同茲俗亦足喜門外盛車徒山半列壓市  
彩棚飛鏑遠醉席歌聲起回頭望城郭煙靄相表裏  
秀色蒲郊原遙景落川溪日然心意猶遠思餘情未已

登高貴能賦感物暢幽旨宜哉賢大夫由斯見材美

九日大慈寺前蠶市

高閣長廊門四開新晴市井絕纖埃老農肯信憂民  
意又見笙歌入寺來

二十一日遊海雲山

青山縹翠一谿清蒲路遊人語笑聲自愧非才無異  
績止隨風俗順民情

三月十四日大慈寺建乾元節道場

赤精流景鑠朱夏向清和緝宇脩祠盛華封祝慶多



簪裳千載遇鐘梵五天歌遠俗尤熙泰皇猷信不頗

乾元節

感帝開鴻緒薰風正阜生億年逢景運萬國贊丕平  
瑞靄承龍闕晨曦啓鳳城臚賓趨陛城樂侑備韶英  
譯導來珍貢醑懽洽頌聲曼齡均慶祝闔澤慰群情  
地有捫參遠人懷就日誠願將民共樂聊以報皇明

四月十九日汎浣花谿

浣花溪上春風後節物正宜行樂時十里綺羅青蓋  
密萬家歌吹綠楊垂畫船疊鼓臨芳澈絲閣凌波汎

羽卮霞景漸曛歸權促蒲城權醉待旌旗

伏日會江濱池

長空赤日真可畏三庚遇火氣伏藏溫風泐恣鬱不  
開流背汗洽思清涼江濱祠前有流水灌注蓄泄爲  
池塘沈沈隆屢墜平岸好樹蔭亞芙蓉香登舟命酒  
賓朋集逃暑大飲宜蒲觴絲竹聒耳非自樂肆望觀  
者如堵墻吾儕未能免俗累近日頗困炎景長今辰  
縱游不覺暮形爲外役暑亦忘豈如高齋滌百慮危  
坐自造逍遙鄉

七月六日晚登大慈寺閣觀夜市

萬里銀潢貫紫虛橋邊螭轡待星姝年年巧若從人  
乞未省靈恩徧得無

七月十八日大慈寺觀施孟蘭盆

飛閣穹隆軼翠煙孟蘭盛會衆喧闐且欣酷暑從茲  
減漸有涼風快夕眠

京洛間俗言過孟蘭盆則暑退

重陽日州南門藥市

岷峨旁礴天西南靈滋秀氣中潛含草木瓌富百藥  
具山民采捋知辛甘成都府門重陽市遠近湊集爭

齋擔市人譎獮亦射利頗覺良惡相追參旁觀有叟  
意氣古肌面尪煦毛鬢髮鬢賣藥數種人罕識單衣結  
縷和陰嵐成都處士足傳記觀誠之外多奇談盛言  
每歲重陽市屢有仙迹交塵凡俗流聞此動非覲不  
識妙理徒規貪惟期幸遇化金術未肯投足棲雲崑  
予於神仙無所求一離常道非所耽但喜山民藥貨  
售歸助農業增耒芟

冬至朝拜天慶觀會大慈寺

景至履佳辰朝祖著國令黃宮啓潛萌紫宇晨蔭映

陽德比君子吾道實可慶矧丁皇運亨遇主堯舜聖  
坤維最遠方拙者此尸政雅俗舊儒文民牒少訟爭  
幸足宣上恩惟恐盭物性良時不易得行樂未爲併  
高會縱嬉遨豐歲愈繁盛與衆助驩欣寄情於俚詠  
次韻和季長學士正月二十八日出郊見寄

之什

宋 祁

雅俗傳祠日

州人以二十八日祠保壽侯及唐杜丞相宗真堂

年華重宴辰

初陽澹江霧小雨破街塵

是日雨而不濘游入皆集

客蓋浮輕吹

齋刀儼後陳林芳催兔日原色換龍鱗壤路歌聲雜

構倡舞疊新持盃徧酬客惟欠眼中人

九日宴射

前 人

佳節憑高駐綵旗亭臯霧罷轉晨曦  
墀間羽集號猿後臺外塵飛戲馬時  
芳菊治病爭汎藥丹萸辟惡徧傳枝  
明年此會知何處醉玉頽山不用辭

十日宴江瀆亭

前 人

節去權猶在賓來賞更延  
悠揚初短日淒緊乍寒天  
霽沼元非漲秋花自少妍  
蟻留新獻耐蕙續不殘煙  
戲鱉衝餘藻游龜避折蓮  
流芳真可惜從此遂凋年

九日藥市作

前人

陽九協嘉辰期人始多暇五藥會廣塵游有鬧相駕  
 靈品羅賈區仙芬冒闔舍擷露來山阿斲煙去巖罅  
 載道雜提攜盈禱更薦藉乘時物無賤投乏利能射  
 囊苓互作主參齊交相假音架曹植謹贖令韓康無二  
 價西南歲多癘早濕連春夏佳劑止刀圭千金厚相  
 謝刺史主求瘼萬室繫吾化顧賴惡石功捫衿重慙  
 惜

七夕

范鎮

翠幕瑤梯百尺樓樓前星斗自悠悠天家仙會能多  
 少未到平明已別愁

踏青

梅摯

綺場紛紛十里賒望中煙景半春華人遊寶曆青絲  
 騎路隘土橋金犢車綠襯鳳頭垂迳草紅攢鷓首照  
 汀花夕陽敲鐙餘歡在一不惜鷓裘詛酒家

其二

龜堞春遊土著奢青青踏去冒煙華翠停舴艋客尋  
 寺紅卸幕離人上車亭落五重沾卓酒釵行十二步

潘花乘歡醉盡高陽侶倒戴歸來不認家

鹿鳴燕

范成大

岷峨鍾秀蜀多珍坐仁儒冠更逸群墨沼不憂經覆  
詭琴臺重有賦凌雲文章小技聊干祿道學初心擬  
致君富貴功名今發軔願看稽古策高勳

三月二日北門馬上

前人

新街如拭過鳴騶芍藥酴醾競滿頭十里珠簾都卷

上少城風物似揚州

少城張儀所築子城也土甚堅橫木皆朽皆有穿眼土相着不

散解

游海雲寺唱和詩

成都風俗歲以三月二十一日遊城東海雲寺摸

石於池中以爲求子之祥太守出郊建高旗鳴笳

鼓作馳騎之戲大譙賓從以主民樂觀者夾道百

重飛蓋蔽山野謹謳嬉笑之聲雖田野間如市井

其盛如此渤海吳公下車朞月簡肅無事從俗高

會于海雲酒既中顧謂寮屬曰一觴一詠古人之

樂事也首作七言詩以寫勝賞席客亦有以詩獻

者更相酌和得一十三篇迺命幕下吏會稽王霽

爲之序霽菲薄不能文恐愧勉從公命夫俳倡絃  
竹其樂外也吟詠情性其樂內也充諸內則能遺  
外之樂流於外則內有所喪今公旣推內之樂以  
樂賓又盡外之樂以樂民可謂得其樂矣

吳中復

錦里風光勝別州海雲寺枕碧江頭連郊瑞麥青黃  
秀遶路鳴泉深淺流彩石池邊成故事茂林坡上憶  
前遊予昔嘗陪樞密田公遊此綠樽好伴衰翁醉十日殘春不少  
留

和韻

范純仁

東郊行樂冠西州古寺岩巖翠嶺頭化俗文翁傳愷  
梯尋山謝傳繼風流天涯罇酒欣相遇劍外三春得  
共遊雅興直須窮勝賞年光難使隙駒留

和韻

勾士良

佛土依山福遠州春行繡騎上雲頭補天彩石盈池  
在朝海清江繞寺流四國仰煩郇伯勞群生翹望謝  
安遊早知爲礪爲霖意惟有西民欲暫留

夔冬暖雪不到地唯山高處盡白宅皆霏雨

而已

宋 肇

密下斜飛片片愁不堪飄泊向西州思家對雪誠何  
味只與群山鬪白頭

晚晴

前人

古道遙臨水荒城早閉門亂山銜落照歸鳥度黃昏  
江漑魚鹽市方岸人呼為漑崖腰桑柘村客愁何可奈有酒  
莫空罇

中秋對月用昌黎先生贈張功曹韻以呈同  
官 王十朋

水精爲鑑金爲波桂空影寫山與河清光此夜十分  
好有酒有客宜高歌去年今日行役苦浪叟谿邊宿  
逢雨傳聞蜀道如天高崖懸壁絕哀猿號波橫劍戟  
不易上陸有虎豹何由逃江山舊恃白帝險風俗猶  
帶烏蠻操驅馳兩月到西塞夢寐萬里還東臯嗅梅  
踏雪巴子里路入鬼門欣不死飛飛倦鳥惟思還王  
筍豈是麋官班餘生但願閑及酒虛名寧顧觸與蠻  
良宵佳客十有五雲放月入樽壘間頽然老子興不  
淺韓詩坡句聊追攀君不見天寶霓裳羽衣歌人間

樂舞難同科遺音猶在悲涼多有酒且飲遑恤他不  
飲如此良夜何

上巳從史巫山拂飲江皋 李 璽

風沙一夕卷冥冥曉色曛矇上翠屏薄官驅人成老  
大佳時得酒慰飄零紅餘晚樹迷幽谷綠漲晴波失  
遠汀却是崇山兼峻嶺看來渾不減蘭亭

踏磧

張 晉

夔國先年有舊風來看踏磧莫怱怱只緣歲稔民康  
樂總到春初氣鬱蒸生怕背藍旗舞袖不妨腰鼓鬧

歌鐘元戎小隊歸江滸要與遺黎一笑同

次韻

宇文紹莊

八陣圖前凜古風武侯英烈豈怱怱江流千載長鳴  
咽山插孤雲亦舊蒸陡覺新春忘病思喜陪高論自  
情鐘典刑前輩今能幾歲晚相期華髮同

次韻

費士幾

寶釧金釵盛峽風遨頭爭逐去怱怱旗標陣磧規模  
古筵挹晴嵐氣色蒸宜有明珠酬白璧空慙瓦缶間  
黃鐘紛紛雪片呈佳瑞一飽端知萬姓同



官舍苦雨

黃人傑

漫空數日雨傾盆老屋淋漓尾縫穿九月不虛爲朽  
月今年賴得是豐年泥途滑滑妨行客煙隴陰陰礙  
種田我欲乘風干造化盡披雲霧覩青天

上元竹枝歌和曾大卿用居常

青春惱人思躡躑女郎市酒趣數錢不道翁家久留  
客紅襦幔結賽鞦韆

學簫學鼓少年群準擬春來奉使君自向堦籠作行  
隊安排好曲薦慇懃

珍珠絡結繡衣裳家住江南山後鄉聞道使君重行  
樂爭携腰鼓趁年光

元宵

彭永

巴人最重上元時老穉相携看點詩行樂歸來天向  
曉道傍聞得喚蠶絲

新都楊益校

全蜀文志卷之十八

詩

題詠上

石硯

唐杜甫

平公今詩伯秀發吾所羨奉使三峽中長嘯得石硯  
 巨璞禹鑿餘異狀君獨見其滑乃波濤其光或雷電  
 聯坳各盡墨多水遮隱見揮灑容數人十手可對面  
 比公頭上冠正質未為賤當公賦佳句况得終清宴  
 公含起草姿不遠明光殿致于丹青地知汝隨顧眄

夔硯

并序附

宋王十朋

有以硯來售者曰歛石璞稍巨色青而文細光潤而發墨兒曹買之或曰非歛硯也乃忠萬石耳予莫能辨得之於夔目曰夔硯因續少陵平公得硯詩則知三峽古亦出佳硯也詩以記之

一片夔州硯千年禹鑿痕平公見爾祖王子得其孫銅雀今安在羅文世所尊聊同玄穎輩文字與吾論

石笋行

杜甫

君不見益州城西門陌上石笋雙高蹲古來相傳是海眼苔蘚食盡波濤痕雨多徃徃得瑟瑟此事恍惚難明論是恐昔時卿相墓立石爲表今仍存惜哉俗態好蒙蔽亦如小臣媚至尊政化錯迤失大體坐看傾危受厚恩嗟爾石笋擅虛名後生未識猶駿奔安得壯士擲天外使人不疑見本根

注云成都子城西金容坊有石二株挺然聳峭高丈餘耆舊傳云其名有六曰石笋曰蜀妃闕曰沈犀石曰魚鳧仙壇曰四海之眼曰五丁石門皆非也圖經云乃前寺之遺址諸葛亮掘之方驗有篆

字曰蠶叢氏啓國誓蜀之碑以二石柱橫埋連接  
鐵其中一南一北無所偏邪又五字濁歎燭觸蠲  
時人莫曉蜀相范曄議曰亥子歲濁字可記主水  
災寅卯歲歎字可記主饑饉巳午歲燭字可記主  
火災辰戌歲觸字可記主兵災申酉歲蠲字可記  
主稼穡富贍悉以年事推應符響

梅雨

前人

南京犀浦道四月熟黃梅湛湛長江去冥冥細雨來  
茅茨踈易濕雲霧密難開竟日蛟龍喜盤渦與岸回

江頭五詠

前人

丁香

丁香體柔弱亂結枝猶墊細葉帶浮毛踈花披素豔  
深栽小齋後庶近幽人占晚壓蘭麝中休懷粉身念

麗春

百草競春華麗春應最勝少須好顏色多漫枝條剝  
紛紛桃李枝處處總能移如何貴此種却怕有人知

梔子

梔子比衆木人間誠未多於身色有用與道氣傷和

紅取風霜實青看雨露柯無情移得汝貴在映江波

鷓鴣

故使籠寬織須知動損毛看雲莫悵望失水任呼號  
六翮曾經翦孤飛卒未高且無鷹隼慮留滯莫辭勞

花鳴

花鳴無泥滓塔前每緩行羽毛知獨立黑白太分明  
不覺群心妬休牽衆眼驚稻梁霜汝在作意莫先鳴

題巴州光福寺樹木

見唐詩紀事

嚴

武

楚江長流對楚寺楠木幽生赤崖背臨溪捶石盤老

根苔色青蒼山雨痕高枝闌葉鳥不度半掩白雲朝  
與暮香殿蕭條轉密陰花龕滴瀝垂清露聞道偏多  
越水頭煙生霧斂使人愁月明忽憶湘川夜猿叫還  
思鄂渚秋看君幽靄幾千丈寂寞窮山今遇賞亦知  
鍾梵報黃昏猶卧禪床戀竒響

中秋夜錦樓望月

武元衡

玉輪初滿空迥出錦城東相向秦樓境分飛碣石鴻  
桂香隨窈窕珠綴隔玲瓏不及前秋見團圓鳳沼中

同前得清字

王良會

全蜀文志 卷十八  
四星搖此夜珥月滿重城杳靄煙霞色颼颼砧杵聲  
令行秋氣爽樂感素風輕共賞千年聖長歌四海清

同前得濃字

柳公綽

此夜年年月徧宜此地逢近看江水淺遙辨雪山重  
萬井金花肅千林玉露濃不惟樓上思飛蓋亦陪從

同前得蒼字

張正壹

高秋今夜月皓皓正蒼蒼遠水澄如練孤鴻迥帶霜  
旅人方積思繁宿稍沉光朱檻叨陪賞尤宜清漏長  
同前得來字

徐放

玉露中秋夜金波碧落開鵲驚初泛濫鴻思共徘徊  
遠目清光徧高空爽氣來此時陪未望更得上燕臺  
同前得前字秋字二篇 崔備

清景同千里寒光盡一年竟天多鴈過通夕少人眠  
照別江樓上添愁野帳前隋侯恩未報猶有夜珠圓  
又

四時皆有月一夜獨當秋照曜初含露徘徊正滿樓  
遙連雪山淨迥入錦江流願以清光末年年許從游

浪淘沙

劉禹錫

濯錦江邊兩岸花春風吹浪正淘沙女郎翦下鴛鴦  
錦將向中流定晚霞

織錦曲

王建

大女身爲織錦戶名在縣家供進簿長頭起樣呈作  
官聞道官家中苦難回花側葉與人別唯恐秋天絲  
線乾紅樓歲蕤紫茸軟蝶飛參差花宛轉一梭聲盡  
重一梭玉腕不停羅袖卷窻中夜久睡髻偏橫釵欲  
墜垂著肩合衣卧時參沒後停燈起在鷄鳴前一匹  
千金亦不賣限日未成官裏恠錦江水涸貢轉多官

中盡著單絲羅莫言山積無盡日百尺高樓一曲歌

錦二首

鄭谷

布素豪家定不看若無文彩入時難紅迷天子帆邊  
日紫奪星郎帳外蘭春水濯來雲鴈活夜機挑處雨  
燈寒舞衣轉轉求新樣不問亂離桑柘殘

文君手裏曙霞生美號仍聞借蜀城奪得始知袍更  
貴着歸方覺晝偏榮宮花顏色開時麗池鳳毛衣浴  
後明禮部郎官人所重省中別占好窠名

擢第後入蜀經羅利路見海棠盛開偶題

上國休誇紅杏艷沉溪自照綠苔磯一枝低帶流鶯  
睡數片狂和舞蝶飛堪恨路長移不得可無人與畫  
將歸手中已有新春桂多謝煙香更入衣

海棠

前人

春風用意勻顏色銷得攜筇與賦詩濃麗最宜新着  
雨嬌嬈全在欲開時莫愁松竹黛臨窻懶染廣丹青點  
筆遲朝醉暮吟看不足羨他蝴蝶宿深枝

詠海棠

前人

濃澹方春滿蜀鄉半隨風雨斷鶯腸浣花溪上堪惆

悵子美無心爲發揚

杜工部老於西蜀詩  
集中無海棠之題

倚檻大慈寺樓詠落葉

侯繼圖

拭翠歛悲蛾爲鬱心中事搦管下庭除書成相思字  
此字不書石此字不書紙書向秋葉上願逐秋風起  
天下有心人盡解相思死

查詩話此逸四句今詳續  
稅文

木蓮樹生巴峽山谷間巴民亦呼爲黃心樹大者  
高五丈涉冬不凋身如青楊有白文葉如桂厚大  
無脊花如蓮香色艷膩皆同獨房蓋有異四月初



始開自開迨謝僅二十日忠州西北十里有鳴玉  
溪生者穠茂尤異元和十四年夏命道士毋丘元  
志寫惜其遐僻因題三絕句云

白居易

如折芙蓉栽旱地似拋芍藥掛高枝雲埋水隔無人  
識惟有南賓太守知

紅似胭脂膩如粉傷心好物不須臾山中風起無時  
節明月重來得在無

已愁花落荒巖底復恨根生亂石間幾度欲移移不

得天教拋擲在深山

山石榴寄元九

前人

山石榴一名山躑躅一名杜鵑花

杜鵑題時花撲撲九江三月杜鵑來一聲催得一枝  
開江城上佐閑無事山下斲得廳前栽爛熳一欄十  
八樹根株有數花無數千房萬葉一時新嫩紫殷紅  
鮮麴塵淚痕裛損燕脂臉翦刀裁破紅綃巾謫仙初  
墮愁在世姍女新嫁嬌泥去聲春日射血珠將滴地風  
翻火焰欲燒人閑折兩枝持在手細看不似人間有

花中此物似西施芙蓉芍藥皆媿母奇芳絕豔別者  
誰通州遷客元拾遺拾遺初貶江陵去去時正值青  
春暮商山秦嶺愁殺君山石榴花紅夾路題詩報我  
何所云若云色似石榴裙當時藂畔唯思我今日欄  
前只憶君憶君不見坐銷落日西風起紅紛紛

紫躑躅

元稹

紫躑躅滅紫攏裙倚山腹文君新寡乍歸來羞怨春  
風不能哭我從相識便相怜但是花叢不迴目去年  
春別湘水頭今年夏見青山曲迢迢遠在青山上山  
高水闊難容足願爲朝日早相暎願作輕風暗相觸  
爾躑躅我向通川爾幽獨可憐今夜宿青山何年却  
向青山宿山花漸暗月漸明月照空山滿山綠山空  
月午夜無人何處知我顏如玉

山枇杷

前人

山枇杷花似牡丹般潑血往年乘傳過青山正值山  
花好時節壓枝疑艷已全開映葉香苞纔半裂緊搏  
紅袖欲支頰慢解絳囊初破結金線叢飄繁葉亂珊  
瑚朶重織莖折因風旋落裙片飛帶日斜看口精熟

亞水依岩半傾側籠雲隱霧多愁絕綠珠語盡身欲  
 投漢武眼穿神漸滅穠姿秀色人皆愛怨媚羞容我  
 偏別說向閑人人不聽曾向樂天時一說昨來谷口  
 先相問及到山前已消歇左降通州十日遲又與幽  
 花一年別山枇杷爾託深山何大拙天高萬里看不  
 精帝在九重聲不徹園中杏樹良人醉陌上柳枝年  
 少折因尔幽芳喻昔賢磻溪冷坐權門咽

門前柳

崔珣

門前蜀柳早知春風澹暖煙愁殺人將謂只栽郡樓

下不知迤邐連南津南津柳色連南溪一作市南去戎

州三百里夷阻蠻落相連接故鄉莫道心先死我今

帝里還有家門前嫩柳插一作披仙霞晨霑太一壇邊

雨暮宿鳳凰城裏鷓別來三載當誰道門前年年綠

陰好春來定解飛雪花雨後還應庇烟草憶昔當年

栽柳時新芽茁茁嬾生遲如今宛轉拂着地常向綠

陰勞夢思不道彼樹好不道此樹惡試將此意問野

人盡道生處樂為報門前楊柳栽我應來歲當歸來

縱令樹下能攀折白髮如絲心似灰

武侯廟古栢

李商隱

蜀相階前栢龍蛇捧闕宮陰成外江畔老向惠陵東  
大樹思馮異其棠憶邵公葉彫湘燕雨枝折海鵬風  
玉壘經綸遠金刀歷數終誰將出師表一爲問昭融

題籌筆驛

前人

魚鳥猶疑畏簡書風雲長爲護儲胥徒令上將揮神  
筆終見降王走傳車管樂有才真不忝關張無命欲  
何如他年錦里經祠廟梁父吟成恨有餘

題籌筆驛

薛逢

天地三分魏蜀吳武侯崛起贊訐謨身依豪傑傾心  
術目對雲山演陣圖赤伏運衰功莫就皇綱力振命  
先祖出師表上留遺恨猶自千年激壯夫

題籌筆驛

羅隱

拋擲南陽爲主憂北征東討盡良籌時來天地雖同  
力運去英雄不自由千里山河輕孺子兩朝冠劍恨  
譙周惟餘岩下多情水猶解年年傍驛流

題風箏

高駢

駢鎮蜀日以南詔侵暴築羅城四十里朝廷雖加

恩賞亦疑其固護忽一日聞奏樂聲知有改移乃  
題風箏寄意旬日報到移鎮渚宮

夜靜絃聲響碧空官商信任往來風依稀似曲才堪  
聽又被移將別調中

西川座上聽金五雲唱歌 陳陶

蜀王殿上華筵開五雲歌從天上來滿堂羅綺悄無  
語喉音止駐雲徘徊管絃金石還依轉不隨歌出靈  
和殿白雪飄飄席上來貫珠歷歷聲中見舊樣釵篸  
淺澹衣元和梳洗青黛眉低叢小鬢膩髮鬢碧牙鏤

掌山岑差曲終暫起更衣未過還向南行座頭坐眉低  
欲語謝貴侯檀臉雙雙淚穿破自言本是宮中嬪武  
皇改號承新恩中丞御史不足比水殿一聲愁殺人  
武皇鑄鼎登真錄嬪御蒙恩免幽辱茂陵弓劍不得  
親嫁與卑官到西蜀卑官到官年未周衡祿罷官東  
西遊蜀江水急駐不得復此萍蓬二十秋今朝得侍  
王侯宴不覺途中妾身賤願持卮酒更唱歌歌是伊  
州第三遍唱着右丞征戍詞更聞閨月添相思如今  
聲韻尚如在何況官中年少時五雲五雲可憐許明

朝道向襄中去湏臾讌罷各東西雨散雲飛莫知處

誌峽船其詩

井序

王周

峽山之船與下之船大抵觀浮葉而爲之其狀一也執而爲用者或狀殊而用一或狀同而名異皆有謂也下之船有檣有五兩有帆所以使風也尾有拖傍有棚上者以其山曲水急下有石皆不可用也狀直如艫前後各一者謂之梢船之斜正欹側爲船之司命者梢類拖其狀殊而船之便於事者悉不如梢作梢詩檣槳橈棹拔使其進而無退

利涉川澤爲船之陳力者艫幾槳類其狀同而異名也在船有力悉不如艫作艫詩峽水湍浚激石忽發者謂之潰拖狀而漩者謂之腦岸石壁立潰之忽作篙力難制以其木之堅韌竿直戟其首以竹納護之者謂之戩竹爲綫而勾其戩者謂之納爲船之良輔者戩與篙狀殊而用一也在船獨出悉不如戩作戩詩岸石如齒非麻杲糾繩之爲前牽取竹之筯者破而用杲爲鞞以續之以備其牽者謂之百丈繫其船首者謂之陽紐牽之者繫鼓

以號令之人聲灘亂無以相接所以節動止進退  
牽之防礙者謂之下縴濟其不通爲船之先進者  
象與竹狀殊而用一也在船先容悉不如百丈作  
百丈詩噫古人觀物因事爲誌者甚多也予祇命  
憲局泐泝巴實抵瞿塘耳目熟於長年三老輩矣  
船具之於船有力者作詩以稱之庶幾魯望茶經  
者也俾系其末詩云

梢

制之居首尾俾之辨斜正首動尾聿隨斜取正爲定

有如提吏筆有如執時柄有如秉師律有如宣命令  
守彼方與直得其剛且勁既能濟險難何畏涉遼夔  
招招俾作主泚泚實司命風烏愧斟酌畫鷁空輝映  
古人存豐規猗歟聊引證

艣

用之大曰艣冠平小者楫通津既能濟巨浸卽橫涉  
身之使者頰虎之拏者瓜魚之撥者鬣弩之進者筴  
此實爲相浪相瀕航一葉

戙

箭飛峽中水鋸立峽中石峽與水爲隘水與石相擊  
潰爲生險艱聲發其霹靂二老航一葉百丈空千尺  
蒼黃徒爾爲倏忽何可測篙之小難制戩之獨有力  
猗嗟戩之爲彬彬堅且直有如用武人森森轟戈戟  
有如敢言士落落吐背臆極危居坦夷濟險危兢惕  
誌彼誓匠心俾其來者識

百丈

少嘗侍先君餘閑誦白氏始得入峽詩深味作詩旨  
云有萬仞山云有千丈水自念坎壈時尤多兢慎理

山東峽如口水激石如齒孤舟行其中薄水猶坦履  
屨頽屹焉立洶涌勃然起百丈爲前牽萬險卽平砥  
破之以筭簣續之以麻泉礪之堅以節引之直如矢  
杼軸連半空長短隨兩涘鐵鎖枉馳名錦纜謾稱美  
長繩豈能繫朽索何足擬苟非綈之爲胡可力行此

金盤草詩

生寧江巫山南陵林木中

前人

今春從南陵得草名金盤金盤有仁性生在林一端

根節歲一節

其根一年生一節人採而服可解毒也

食之甘而酸風俗

競採掇俾人防急難巴中地虺毒解之如走九巨葉



展六出軟幹分長竿搖搖綠玉活裏裏香荷寒世云  
暑酷月鬱有神物看夏中採之則必有巨蛇衝足人即難採天之產於  
此意欲生民安今之爲政者何不反此觀知彼苛且  
猛慎勿害而殘一物苟失所萬金惟可歎莫並蒿與  
萊豈羨芝及蘭勤渠護根本栽植當庭欄寄言好生  
者休說神仙丹

露青竹枝歌

顧况

鮮于仲通正當年章仇兼瓊在蜀川約束蜀兒採馬  
鞭蜀兒採鞭不敢眠橫截斜飛飛鳥邊繩橋夜上層

崖巔頭挿白雲跨飛泉採得馬鞭長且堅浮漚丁子  
珠聯聯灰煑蠟指光爛然章仇兼瓊持上天上天雨  
露何其偏飛龍閑厩馬數千朝飲吳江夕秣燕紅塵  
撲轡汗濕羈獅子麒麟聊比肩曲江昆明洗刷牽四  
蹄踏浪頭拚天蛟龍稽顙河伯虔拓羯胡鷄脚手鮮  
陳閑韓幹丹青妍欲貌未貌眼欲穿金鞍玉勒錦連  
乾騎入桃花楊柳煙十二樓中奏管絃樓中美人奪  
神仙爭愛大家把此鞭祿山入關關破年忽見揚州  
北邙前祗有人還千一錢亭亭筆直無皺節磨將形

相一條鐵市頭格是無人別江海賤臣不拘綬垂鞞  
挂影西窻缺稚子覓衣挑仰穴家童拾薪幾拗折玉  
潤猶霑玉壘雪碧鮮似染萇弘血蜀帝祠邊子規咽  
相如橋上文君絕往年策馬降至尊七盤九折橫劔  
門穆王八駿超崑崙安用冉冉孤生根聖人不貴難  
得貨金玉珊瑚誰買恩

竹枝九首

劉禹錫

白帝城頭春草生白鹽山下蜀江清南人上來歌一  
曲北人莫上動鄉情

山桃紅花滿上頭蜀江春水拍山流花紅易衰似郎  
意水流無限似儂愁

江上春來新雨晴灤西春水縠紋生橋東橋西好楊  
柳人來人去唱歌行

日出三竿春霧消江頭蜀客駐蘭橈憑寄狂夫書一  
紙家住成都萬里橋

兩岸山花似雪開家家春酒滿銀杯昭君村中多女  
伴永安宮外踏青來

城西門前灤瀕堆年年波浪不能摧懊惱人心不如

石少時東去復西來

瞿唐嘈嘈十二灘此中道路古來難長恨人心不如  
水等閒平地起波瀾

巫峽蒼蒼烟雨時青猿啼在最高枝箇裏行人腸自  
斷由來不是此聲悲

山上層層桃李花雲間煙火是人家銀釧金釵來負  
水長刀短笠去燒畬

竹枝

白居易

瞿唐峽口水煙低白帝城頭月向西唱到竹枝聲咽

處寒猿暗鳥一時啼

竹枝若怨怨何人夜靜山空歌又聞蠻兒巴女齊聲  
唱愁煞江樓病使君

巴東船舫上巴西波面風生雨脚齊水蓼冷花紅簇  
簇江蘼濕葉碧萋萋

江畔誰人唱竹枝前聲斷咽後聲遲恠來調苦緣詞  
苦多是通州司馬詩

竹枝

孫光憲

門前春水白蘋花岸上無人小艇斜商女經過江欲

暮撒拋殘食飼神鷓

亂繩千結絆人深越羅萬丈表長尋楊柳在身垂意  
緒藕花落盡見蓮心

巫山竹枝二首

宋李 皇

封崇嶺上細腰宮遺老相傳奈鬻熊一炬牧兒今柢  
處年年青草長春風

陽臺門前六律山女郎吹笛翠微間日斜酒散同歸  
去笑插花枝滿鬢鬟

竹枝

蘇軾

竹枝歌本楚聲幽怨惻怛若有所深悲者豈亦往  
昔之所見有足怨者歟夫傷二妃而哀屈原思懷  
王而憐項羽此亦楚人之意相傳而然者且其山  
川風俗鄙野勤苦之態固已見於前人之作與今  
子由之詩故特緣楚人疇昔之意爲一篇九章以  
補其所未道者

蒼梧山高湘水深中原北望度千岑帝子南遊飄不  
返唯有蒼蒼楓桂林楓葉蕭蕭桂葉碧萬里遠來超  
莫及乘龍上天去無蹤草木無情空寄泣水濱擊鼓

何喧闐相將叩水求屈原屈原死已今千載蒲船哀  
唱似當年海濱長鯨徑千尺食人爲糧安可入招君  
不歸海水深海魚豈解哀忠直吁嗟忠直死無人可  
惜懷王西入秦秦關已閉無歸日章華不復見車輪  
君王去時簫鼓咽父老送君車軸折千里逃歸迷故  
鄉南公哀痛彈長鈇三戶亡秦信不虛一朝兵起盡  
讎呼當時項羽年最少提劍本是耕田夫橫行天下  
意何事棄馬烏江馬垂涕項王已死無故人首入漢  
庭身委地富貴榮華豈足多至今唯有塚嵯峨故國  
淒涼人事改楚鄉千里爲悲歌

竹枝

蘇軾

舟行千里不至楚忽聞竹枝皆楚語楚言啁哳安可  
分江中明月多風露扁舟日落駐平沙茅屋竹籬三  
四家連春並汲各無語齊唱竹枝如有嗟可憐楚人  
足悲訴歲樂年豐爾何苦釣魚長江江水深耕田種  
麥畏狼虎俚人風俗非中原處子不嫁如等閑雙鬟  
垂頂髮已白負水採薪長苦艱上山採薪多荆棘負  
水入溪波浪黑天寒斫木手如龜水重還家足無力

山深瘴暖霜露乾夜長無衣猶苦寒平生有似麋與  
鹿一旦白髮已百年江上乘舟何處客列肆喧譁占  
平磧遠來忽去不記州罷市歸舩不相識去家千里  
未能歸忽聽長歌皆慘悽空船獨宿無與語月滿長  
江歸路迷路迷鄉思渺何極長怨歌聲苦淒急不知  
歌者樂與悲遠客乍聞皆掩泣

全蜀稅文志卷之十九

詩

題詠下

巴女謠

唐于鵠

巴女騎牛唱竹枝藕絲菱葉傍江時不愁日暮還家  
錯記得芭蕉出槿籬

蜀牋

宋文彥博

素牋明潤如溫玉新樣翻傳號冷金遠寄南都豈無  
意緣公揮翰似山陰

萬蝶花

蘇轍

誰唱殘春蝶戀花一團粉翅壓枝斜美人欲向釵頭  
插又恐驚飛鬢似鴉

蜀地海棠

宋祁

蜀國天餘煦珍葩地所宜濃芳不隱葉併艷欲然枝  
襲影分群萼均霞點萬綫回文錦成後來煎燎烘時  
蜂藥迎銜密鶯梢向坐危淺深雙絕態啼笑兩妍姿  
絳節排煙竦丹缸落帶垂童容部畏薄便面到憂遲  
媚日能徐照暄風肯遽吹蜀少疾風故花愈盛惜歡當晚晚留

恨付離披麗極都無比繁多僅自持損香饒麝栢照  
影欠瑤池畫要精伴色歌須巧騁辭舉樽頻語客細  
摘玩芳期

英韶在前徒矜下里之曲風雅未喪豈繁繫輓之  
音不圖綴綺靡之辭抑將導敦厚之音耳海棠雖  
盛於蜀人不甚貴因暇偶成五言百韻律詩一章  
四韻詩一章附於卷末知我者無哂焉

沈丘

岷蜀地千里海棠花獨妍萬株佳麗國二月艷陽天

叢萼勻如布脩蕤巧似編彤雲輕點綴赤玉碎雕鑄  
瑟瑟光輪瑩猩猩血借鮮淺深相向背踈密邇勾牽  
輕蓓重重染丹砂細細研蕊織金粟拱鬢嫩紫絲拳  
紅蠟隨英滴明璣著穎穿初莖爭裊娜翹幹共踳蹶  
絕代知無價生香不減箴分靈應桂苑鍾粹定星躔  
木帝經邦相花王入室賢祥飈加剪拂卿霽共陶甄  
真宰陰推轂勾芒與著鞭不須憂薄命好爲惜流年  
替翼施生柄扶持煦嫗權主張韶令正調燮淑威宣  
和氣高低洽芳心次第還金釵人十二珠履客三千

雲雨迷巫峽風波怨洛川娉婷宜住楚妖冶合居燕  
綉被通宵展華燈徹曙然橫披前檻外半出假山巔  
暗羨遊蜂採偷輸蟻穴沿瘦媵蛛網織柔怯女蘿纏  
蓄恨憑誰訊無言只自憐文君酒壚畔楊子草堂前  
品格生來別風流到老全繁中生悵望衆裏見喧闐  
暄暖精神出精明意態便關關鶯對語兩兩燕高蹇  
天上宜封殖人間偶佇延共櫻圍別館與杏擁斜阡  
清暖簾爭卷黃昏幕尚褰低籠金轆轤高映畫鞦韆  
忽認梁園妓深疑閨苑仙怱怱來蕙圃遠遠別芝田



金瓶梅文志 卷之九  
羞隱暝濛霧輕如淡蕩煙乍逢開羽扇初喜下雲軒  
髣髴向星靨依稀帶翠鈿五銖衣宛轉七寶帳翩翩  
獨立挨霓節成行列彩旂困宜欹虎枕步好襯金蓮  
舞定休回袖粧濃不傅鉛蓋張松鬱鬱茵藉草芊芊  
馥郁蘭供夢扶疎柳伴眠軀輕彌綽約腰細更便嬛  
姪姹常顚若幽柔自洒然侍兒羅白芷婢子列芳荃  
口口濃檀注腮腮薄粉填解圍施葉幄買笑有榆錢  
旖旎環瑤席婆婆匝玳筵嬌依屏曲曲泣對露涓涓  
南陌輕埃蔽東郊夕照連幾時休縹渺從此識嬋娟

是處遺簪珥誰家不管絃姪姹貪恣失戲稚惜何更  
折閃搔頭褪擎攢約腕揜戴遮鬟上鳳裝壓鬢邊蟬  
汲引新權聚消磨宿忿蠲縱觀須倒載命宴必加箋  
翻曲教歌媛更詞送酒船鄉心須暫解病眼當時痊  
迢遞來油壁從容住錦鞦雅宜交讓比穠興棣華聯  
不憤參朱槿寧甘混木綿醪醑潛失色躑躅敢差肩  
素柰思投迹天桃耻備貞梧桐愧金井芍藥濫花磚  
併壓辛夷俗潛排寶馬薦天恩無久恃人寵莫長專  
布影交三徑敷榮遍一廬凝眸方擘擘迴首旋翩翩

可忍驚飈挫胡煩急景煎珊瑚隨手碎絳雪繞枝旋  
拂漢霞初散當樓月自圓飄零隨蟻蠓散亂逐漪漣  
灼灼龜城外亭亭錦水邊抱愁應慘蹙有淚卽潺湲  
午影迷蝴蝶朝寒怨杜鵑物情元倚伏人意莫拘攣  
擢秀高群木稱珍極八埏未開猶脉脉憂落固愔愔  
別著新文紀重尋舊譜箋共知紅艷好誰辨赤心堅  
實可陪朱李根宜灌醴泉我須隣竹栢樹莫繞烏鳶  
庶託膏腴茂當隨富貴遷爲多猶底滯因遠尚迤邐  
客思易成亂心期未省衍心畫思摩詰筆吟穉薛濤牋

醉目休頻送詩情豈易緣薛能誇麗句鄭谷賞佳篇  
止感芳姿美那憐託地偏山經猶罕記方志未多傳  
巧詠憂才竭冥搜得意瀆遐暇寡真賞僻境忍輕捐  
抽秘慙非據探竒敢讓先授毫叙名卉聊用放懷焉

海棠

石延年

君看海棠格群花品詎同嬌嬈情自富蕭散艷非窮  
蕉縠斑吳苑梅羅碎蜀宮錦窠杯裏影繡段隙前烘  
心亂香無數莖柔動滿叢意分巫峽雨腰細漢臺風  
盛若霞藏日鮮於血灑空高低千點赤深淺半開紅

粧指朱纔布膏唇檀更融色焦無可壓體瘦不成豐  
枝重輕浮外苞踈蜜鬧中難勝蜂不定易入蝶能通

答朱公綽牡丹詩

宋 祁

玳蘂分清賞飛郵附翠籠蹄金點鬢密璋玉鏤跗紅  
香惜特來遠春應摘後空玩詩仍把酒恨不與君同

新繁縣東湖瑞蓮歌

王 益

火雲爍盡天幕醒水光弄碧涼無聲荷華千柄拂煙  
際傑然秀幹駢雙英天教少昊偏滋榮宵零仙露饒  
金莖娟娟飄風起天末紅華瑞珮來瑤瑤觥觴式宴

睿擊賞荷人採藻飛筆精越國亭亭八百里木蘭泛  
詠稱明媚爭如錦水泐繁江孤根擢翠葩分膩紫清  
合曜流霞暉楚臺無夢朝雲飛韓虢佳人新侍寵溫  
泉宮裏賜霞衣赫赫曦陽在東井玳房萃作皇家慶  
流火初晨復毓靈連壁更疑唐傑盛眇觀熙政集元  
和嘉穀重榮田野歌高宗昔慶劉仁表五色卿雲世  
其少我今取喻進德流優哉祥蓮出池沼草萊泥滓  
俱棄捐致君事業殊商皓歸作臯夔稷尚臣同心一  
德翊華勲

和

梅摯

東湖七月湖水平  
鱗波暗織簫籟聲  
中有菴蓮一萬本  
紅漪相照摘繁英  
地靈氣粹不我測  
雙葩倏如同一莖  
黃姑織女渡銀漢  
蜺旗鳳葆羅空青  
又認英皇立湘渚  
翠華不返疑怨慕  
五十哀絃頓曉聲  
駢首低昂泣珠露  
是時主人集宴喜  
湖光浸蓬霞脚膩朋簪  
峩峩盡才子椽筆交輝雲藻麗  
酒酣倚欄惜紅輝  
煙素徘徊縈不飛  
魏宮甄后晝方寢  
髮髯有人持玉衣  
此邑古來無異政  
室家瘡痍何由慶  
三年鼠竊例皆

然以薪救火火彌盛  
自公柅車政克和  
載途鼓腹騰謳歌  
歌公用心日皎皎  
不獨于今古應少  
因感珎芳兩兩開  
玉貫珠聯當縣沼  
况我與公高適道  
芝歌肯迹商山  
皓嘉謀嘉猷思大陳  
願將此美歸華勲

蜀牋二軸獻太傅  
同年葉兒

司馬光

西來萬里浣花牋  
舒卷雲霞照手鮮  
書笥久藏無可稱  
願投詩客助新篇

望日與諸公會於大慈聞海雲山茶合江梅

花開遂相邀同賞雖無歌舞實有清歡因成  
拙詩奉呈  
王 覲

野寺山茶昨夜開江亭初報一枝梅旋邀座上逍遙  
客同醉花前湫澗盃秀色霜濃方潤澤暗香風靜更  
徘徊仙姿莫遣常情妬不帶東山妓女來

蜀花以狀元紅爲第一金陵東御園紫繡毬  
爲最  
范成大

西樓第一紅多葉東苑無雙紫壓枝蔓裏東風忙裏  
過蒲團藥出鬢成絲

紫荷車

峽山此藥甚多

前人

綠英吐弱線翠葉抱脩華蠹如青旄節草中立亭亭  
根有卻老藥鱗皺友松苓長生不暇學聊冀病身輕

錦帶花

東南甚珍此花峽中蔓生山谷

前人

妍紅棠棣粧弱綠薔薇枝小風一再來飄飄隨舞衣  
吳下嫵芳檻峽中滿荒陂佳人墮空谷皎皎白駒詩  
寶相花  
前人

誰把柔條夾砌栽壓枝萬朶一時開爲君也著詩收  
拾題作西樓錦被堆

太平瑞聖花

前人

雪外捫參嶺烟中濯錦洲密攢文古蘂高結綵雲毬  
百世嘉名重三登瑞氣浮挽春同住夏看到火西流  
春工葉葉與絲絲怕日嫌風不自持曉鏡為誰粧未  
辨沁痕猶自宿燕脂

垂絲海棠

前人

十一月十日海雲賞山茶

前人

門巷驪呼十里村臘前風物已知春兩年池上經行

處萬里天邊未去人客鬢花身俱歲晚粧光酒色且  
時新海雲橋下溪如鏡休把冠巾照路塵

清明日試新火作牡丹會

蜀人以洛中千葉種為京花卑葉為

川花

前人

弄鑽巴火尚浮家去國年多客路賒那得青煙穿御  
柳且將銀燭照京花香鬟半醉斜枝重病眼全昏瘴  
霧遮錦地繡天春不散任教簷雨捲泥沙

謝人寄蒙頂新茶

文同

蜀土茶稱聖蒙山味獨珍靈根托高頂勝地發先春

幾樹驚初暖羣籃競摘新蒼條尋暗粒紫萼落輕鱗  
的皦香瓊碎鬢鬆綠蠶勻慢烘防熾炭重碾敵輕塵  
惠錫泉來蜀乾峭盞自秦十分調雪粉一啜嚙雲津  
沃睡迷無鬼清吟健有神冰霜疑入骨羽翼要騰身  
磊砢宜饗宰堂堂作主人玉川喉吻澁莫厭寄來頻

二色芙蓉

前人

蜀國芙蓉名二色重陽前後始盈枝畫調粉筆分粧  
處繡引紅針間刺時落晚自怜窺露沼忍寒誰念倚  
霜籬上人日有西園客得爾方於勸酒宜

孫知微畫

前人

太古奇偉士精思獨於畫馳心入茫昧萬物赴揮灑  
當時一名重顧陸非爾亞卓哉青城筆妙絕冠天下  
寥寥九天仗一一若神寫吾恐千載後是終無繼者  
玉局洞石恪畫天仙四壁

喻汝礪

真人何年下紫清日晴飄墮如流星至今玉洞通窈  
冥蕭然紫室之威靈杖屨而來六月望赤旱裂石風  
淒冷歛然四壁呀欲動神恠天矯日喪晴道與之貌

非丹青馭風而行誰使令雲飛電掣集帝所超然得意皆天人異哉石子偉丈夫曾中磊磊恠所儲元圃之山帝所居子游其間墜雙鳧不然安知天上有此樂秃筆一掃凌方壺細看毛骨分錙銖儻形傑狀人殊古來列真誰所摹前稱關同後張圖近之豪者郭忠恕落筆拂戾如奔諸兩公軼蕩不拘束筆力磊砢相劇扶我來憑欄聊一呼隨翁聯軒上清都

題中巖

馮時行

古院無人僧作佛碧潭有水魚化龍當年諾巨小游

戲一石擊碎成三峰

題龍巖寺石刻文與可墨竹

程壬孫

風雨勞先別敢辭樽酒深一稍牆上竹留作歲寒心

同前

李元應

淺稍踈節任蕭郎正向初寒敵曉霜清興未窮僧已老自餘山色與溪長

蜀酒歌

陸游

漢州鵝黃鸞鳳雛不鷲不搏德有餘眉州玻璃天馬



全蜀詞文志 卷十九 十一  
駒出門已無萬里塗病夫少年夢清都會賜虛皇碧  
淋腴文德殿門辰奏書歸局黃封羅伯壺十年流落  
狂不除遍走人間尋酒壚青絲玉瓶到處酤鵝黃玻  
瓈一滴無安得豪士致連車倒瓶不用盃與盃琵琶  
如雷聒坐隅不愁渴死老相如

偶過浣花感舊遊戲作 前人

憶昔初爲錦城客醉騎駿馬桃花色玉人携手上江  
樓一笑鈎簾賞微雪寶釵換酒忽徑去三日樓中香  
未滅市人不識呼酒仙異事驚傳一城說至今西壁  
餘小草過眼年兄如電掣正月錦江春水生花板闕  
處小舟橫閣倚胡床吹玉笛東風十里斷腸聲

浣花賞梅 前人

老子人間自在身挿梅不惜損烏巾春回積雪層水  
裏香動荒山野水濱帶月一枝低弄影背風千片遠  
隨人石家樓上貪吹笛肯放朝朝玉樹新

蜀苑賞梅 前人

卜里溫香撲馬來江頭還見去年梅喜開剗欲邀明  
月愁落先教掃綠苔跌宕放翁新醉墨淒涼廢苑舊

歌臺盛衰自古無窮事莫向昆明歎劫灰

席上作

前人

綠波畫棹浣花船清簟疎簾角黍筵一幅葛巾林下  
客有壺春酒飲中仙散懷絲管繁華地寄傲江湖浩  
蕩天浮世升沉何足計丹城碧落珥貂蟬

故蜀別苑在成都西南十五六里梅至多有  
兩大樹夭矯若龍相傳謂之梅龍予初至蜀  
嘗爲作詩自此歲常訪之今復賦此

前人

昔年曾賦西郊梅茫茫去日如飛埃即今衰病百事  
懶陳迹未忘猶一來蜀王故苑犁已遍散落上有千  
雪堆朱樓玉殿一夢破煙蕪牧笛遺民哀兩龍卧穩  
不飛去鱗甲脫落生莓苔精神每遇雪月見氣力苦  
戰水霜開羈臣放士耿獨立淑姬靜女知誰媒摧傷  
雖多意愈厲直與天地爭春回蒼然老氣壓桃李笑  
我白髮心尚孩微風故爲作嫵媚一片吹入黃金壘  
綿州錄參軍廳觀楚公畫鷹少陵爲作詩者

前人

我來訪古涪之濱不辭白罔冀一眞走馬朝尋海樓  
館斫鱸夜醉魴魚津越王樓高亦已換俯仰今古堪  
悲辛督郵官舍最卑陋棟撓楹腐知幾春巋然此壁  
獨無恙老嗟勁鬪完如新向來劫火何日免叱呵守  
護疑不神妖狐九尾穴中國共置不問如越秦待時  
此物合致用下韉指呼端在人會當原野洒毛血坐  
令萬里清煙塵老眼還憂不及見詩成肝膽空輪囷

龍掛

前人

成都六月天大風發屋動地聲勢雄黑雲霍鬼行風  
中凜如鬼神塞虛空霹靂迸火射地紅上帝有命起  
伏龍龍尾不卷曳天東莊哉兩點車軸同山灌水溢  
路不通連根拔出千丈松未言爲人作年豐備觀一  
洗芥葉胃

銅馬歌

王灼

郫城村民鑿古墓遂得一銅馬高三尺許制作精  
妙前簡池守景季淵取以歸中宵風雨輒聞嘶聲  
恠之不敢留移送佛寺紹興丙子予以事至成都  
黃伯淵見索作銅馬歌

君不見武皇逸志凌九垓追風躡影思龍媒魯班門  
外立銅馬天廐萬疋皆塵埃又不見伏波將軍破交  
賊歸來殿前獻馬式據鞍習氣殊未衰想見老子真  
矍鑠兩京翻覆知幾秋只有山河供客愁孤煙落日  
蠶叢國出此神物於荒丘千年黃壤誰作主猶把歸  
心泣風雨但恐一朝去無蹤有似豐城寶劍化雙龍

張飛才斗

上有八分飛所書也

張士瓌

天下英雄只豫州呵喲不共戴天仇山河割據三分  
國宇宙威名丈八矛江上祠堂嚴劍珮人間才斗見

銀鈎空餘諸葛秦州表左袒何人復為劉

杜鵑

宋肇

暖雲無定半陰晴茅屋紙窗深復明喬木參天竹千  
莖巴山欲曉風露清杜鵑飛鳴遶江城魚復四月江  
水生林花落盡空含情灤東灤西朝暮聲

次韻袁升之遊海雲寺鴻慶院山茶之什

蒲瀛

山茶兩本上連空疊葉棲枝占佛宮雀尾有金輪緝  
碧鸚頭無火讓殷紅優於峽茗稱呼異劣與梅花氣

全蜀文志 卷十九 十一  
候同誰識諸天雨花外道人宴坐雪霜中

梅林分韻詩有序

紹興庚辰十二月既望縉雲馮時行從諸朋舊凡十有五人携酒具出西梅林林本王建梅苑樹老其大可庇一畝中間風雨剝裂什地上屈盤如龍孫枝叢生直上充樅古者允三四酒行以舊時愛酒陶彭澤今作梅花樹下僧爲韻分題賦詩客旣占韻立者倚樹行者環繞仰者承薺頰者拾英吟態不一皆可圖畫是行也余被命造朝行事薄遽

重以大府衣冠謁報主人饋勞酬對犇馳形神爲之俱敝諸公導以斯游江流如碧玉平野秀閩竹塢桑疇連延彌望民家十十五五籬落鷄犬比閭相親不愁不嗟余散策其間蓋不知向之疲薶狀苦所在也昔人謀于野則獲閒暇清曠有爽於精神思慮游不可廢如此哉又况所與游皆西州名俊熹事者耶詩成次第不以長少以所得韻之後先聯成軸客十有五韻止十四呂義父別以詩字爲韻又有首眩詩不成者缺樹字一韻余過沉犀

樊允南監鎮稅語允南補之諸公又屬時行爲之  
序十五人者成都楊仲約施子一呂周輔義父智  
父澤父宇文德濟呂默夫杜少訥房仕成楊舜舉  
綿竹李無變潼川于伯永正法寶印老縉雲馮當  
可

得舊字

闕名

竹村喜紆徐江雲迷昏晝踟躕馬上語嫩寒入衣裏  
天公惜梅花破臍開未就端待使君來春風本依舊  
一罇旣相屬勿辭作詩瘦明年用和羨請爲使君壽

得時字

李流謙

巾冠墮城府枯樛無停時胃脾貯黃埃非復林壑姿  
涎流方外勝秦人望軒義萬金買閒日駕言一舒眉  
肩踏衆俊場更從石代師食魚得河魴熊蹯佐其滋  
靉靆煙雨村霜條出冰涎鳥鵲噪寒暝玉立山差差  
置尊扶疎下老幹虬蛟馳落葉不動塵初無犀駭鷄  
羞我木石資闔公瓊琚詞深酌起白勸膝苔吾封圻  
公行對宣溫雲霧生攀躋能來玩墟落疋馬却蓋麾  
蟠脣萬蟠螭區寰眇毫絲以茲接群動白羽坐指攜

笑彼參外者組紱爲之鞿它年駟馬還梅花當十圍  
識此黃公壚下車挽客衣未覺邈山河一醉也大奇

得愛字

呂及之

去城十里南郊外突兀老梅餘十輩玉雪爲骨冰爲  
魂氣象不與凡木對我來窮冬煙雨晦把酒從公對  
公醉人言此實升廟堂埋沒荒村今幾歲清芳不爲  
無人改捐氣何妨本根在瑰章妙語今得公國色天  
香真有待歸路從公巾倒戴俗物汚人非所愛我公  
行向日邊歸此段風流入圖繪

得酒字

宇文師獻

平生慕英游望公真山斗一見開心誠已落諸人後  
龍門豈甄擇大小俱容受聯纒尋勝踐春風倚尊酒  
惟公對江梅端若同志友玉色洗塵沙幽姿出藜莠  
命客花下坐相與沃醇酎非公無此客譬諸草木臭  
何晚入深巷蒼蒼根歆甕牖始知水西頭卧梅勝卧柳  
有客三嘆息此樹警老醜一笑客誠癡萬法要經久  
奇卉如充物過眼不必有惠我終日香重來香在否  
但從此理悟那復長搔首念公捧召節脩名當不朽





孤房有餘妍初不帶脂澤香度竹籬短影搖谿水碧  
同時飲中仙着我林下客春槽沸滴紅蒲坐喧舉白  
澆胷獨茗盃臭味曾不隔公今日邊去陛下正前席  
請看枝頭春中有和羹實及騷試與題不礙心鐵石

得今字

杜舜舉

蘭亭久陳迹脩竹空自陰龍山亦淒涼鮮花誰與簪  
英遊曠千載盛事新梅林四海馮黎州未妨鐵石心  
提携到諸子徧賞江之潯房亭姑射仙玉立何森森  
謝氏六君子對飲香蒲襟西郊訪老龍奇恠尤可欽

宛然如先生高卧歲月侵從茲飽薰風佳實共鷓鴣  
正味悅天下妙用無古今去去好着鞭江南春已深

得作字

呂商隱

一樹知獨秀十里方出郭江流浩清冷露氣凝淒薄  
胡爲此行色疲馬外踴躍玄冥正擅令植物困摧落  
身心縱未改佳意久已惡喜見南北枝粲然秀水壑  
千林色暉映百畝香旁礪首破春風荒獨傲清雪霰  
坐令芳信傳芬菲到群萼如一君子信如蓮蓮俱有託  
相期飲此意浩蕩放杯酌更應護攀折嘉實須若若

終收調鼎功傳巖真可作持問縉雲老一尊笑相酢

得梅字

馮時行

霜朝馬啼無纖埃錦城城西江之隈金蘭合香俱朋  
來白沙鱗鱗江水泐梅花傍江高崔嵬人言猶是王  
建裁豪華過眼浮雲哉下馬酌酒聊徘徊飛英送香  
來酒杯酒酣疾呼竹籬開走尋屋角如龍梅梅龍雖  
多此其魁睡龍屈盤肘承胷風皺雨散封蒼苔孫枝  
迸出誰胚胎天公撫摩春爲回慎勿變化隨風雷年  
年開花照尊壘我欲結茅買芋煨與梅周旋送衰頽

得花字

呂凝之

出郭豈憚遠蒹城無此花新枝開玉雪古樹卧龍蛇  
臨水互葱蒨傍籬忽橫斜詩聲寫竒怪畫本出槎牙  
老子晉彭澤諸公賈長沙不尋龍李盟來嗅露霜華  
杖屨穿茆舍壺觴倩酒家饑食香馥郁醉藉影參差  
月白鴈成字江清魚可叉風流一時勝野意十倍加  
祇恐天上去迹陳錦江涯歸來馬蹄疾驚飛滿林鷗  
沈黎使君與客飲王建梅林分韻作詩過沉  
犀以詩相示闕樹字令漢廣補之

樊漢廣

墻頭冉冉新陽露忽作玲瓏玉千樹老蛟偃蹇獨避  
 人卷回飛雪江皋暮何處鳴禽來好音四月枝垂起  
 黃霧摧折霜餘初不懼咲看春光等閑度百年夢幻  
 欲無言吹落吹開豈風故時來薦鼎真偶爾小住踈  
 籬非不遇我知天地絕茫茫無爲展轉獨多慮爲花  
 悽斷却回頭尔亦微酸苦難茹

得下字

施晉卿

平原宿雨餘雪重雲垂野春信初動搖欲往豈無駕

使君早着鞭問路逢耕者深尋煙雨材共作詩酒社  
 庭荒六老樹氣象自儼雅一咲呼酒來大盆注老瓦  
 最後看枯株何意當大厦天矯待風雲有年天實假  
 須知羨鼎調嘉實係用捨我欲壽使君罇罍更傾瀉  
 朋朝得楚騷律甚無屈賈君今有賜環詔落九天  
 蜀江雪浪來棹趁舩人把留滯以諸生斯文要陶冶  
 惟應郢中歌倡絕和自寡更聞督熊兒夜賦燭餘炮  
 宅年看無雙聲譽出江夏却咲昌黎公阿買字能寫

賦成都碧鷄坊李氏石君

事見成都古今記中蓋湖石之最

而奇者著  
名舊矣

孫松壽

造化小兒斷山骨幾年流落蛟龍窟太湖一碧浸玻  
瓈瀾吞浪吐窮奔突瑰奇未許困泥沙漂出江臯空  
峽岫清寒偃蹇如高人肯向蓬蒿念埋沒曩聞上苑  
饒奇珍千形萬狀高嶙峋當年搜索困山海氈包席  
累車麟麟規模豈但肖五嶽氣象直欲凌三神一朝  
胡馬窺城下例隨矢石荒荆榛憐君分落幽人手不  
逐爾輩污塵垢首陽寂寞伯夷清瀟湘冷落三閭瘦  
李侯胷中飽雲夢得君不用斯瓊玖館之舊隱與周

旋竹士松賓三益友相看一洗名利心眉宇更清元  
德秀君今幾世德未衰霜寒玉立癯而壽咄嗟世眼  
多嗜好玩形忘理十八九奇章所蓄森琅玕名標甲  
乙空紛然到漑奇礪高峯律一擲徒爲負進錢石君  
於汝非不厚較其所得無何有願公世濟此君爲不  
朽

鴈詩

朱乘

八月新霜岸草枯數聲哀怨鴈來初憑君試向沙汀  
看恐帶匈奴二帝書

高宗皇帝聞之嘆曰  
此人頗有愛君之心

彌牟鎮孔明八陣圖詩 王剛中

我稽八陣圖規模載方冊  
竭來鎮西蜀夔門觀疊石  
賦詩有數字字字究來歷  
進涉漢州西彌牟鎮之北  
平原列堆阜灘石同一式  
細思作者意孔明有深策  
高岸或為谷灘石存遺跡  
江海變桑田平原猶可覓  
故今兩處存千載必一得  
再歌遂成篇當有智者識

題陳去非王摩詰嘉陵圖

王安石

于戈已暗大  
同殿管絃猶喧凝  
碧池別寫嘉陵三百

里右丞心事欲誰知

邛州青霞嶂 青霞嶂與石城山相連 張愈

霧山環合自雲川  
戶有清溪種玉田  
萬木桃花不知處  
幾人曾得問秦年

萬安驛 張縝

勁兵重作付胡奴  
毆雀毆魚計自踈  
地入萬安知幾許  
却憐此邑始回車  
續詠萬安驛明皇幸蜀至此嘆曰一安尚不可得况萬安乎

題柯敬仲畫 元虞集

予先世居隆州州治之後山石室翁守郡時隆為

陵州州事簡時來就吾家拾故紙背作茅蘭竹木  
之屬所得頗多吾幼時尚收得數紙今亦亡之丹  
丘生用文法作竹木而坡石過之近又以新意作  
墨花甚妙從子悅有眉山學官之行丘爲作此字  
愛而賦之

昔者老可守陵州守居北山吾故丘太守時來看山  
雨每畫紙背成滄州老蒲松煙色過重揮霍陰崖交  
劔矛百年離亂亡故物散篋江南誰復收新圖賢管  
枝葉脩使我不樂思昔侯碧雞祠前柱宇叫上女井

上叢篁幽棠梨樹高青子落碧花翠蔓縈牽牛楊雄  
無家不歸老蠨蛸蟋蟀寒相求丹丘先生東海客何  
以見我空山秋蕭條破墨作清潤殘質刊落精英留  
陂陁重複分細草山石縈紆生亂流眉山學官莫厭  
冷言歸故鄉非遠遊石田茅屋儻可得萬里欲上東  
吳舟百花潭深濯新錦持報以比珊瑚鈎

題商德符蜀山圖

前人

每愛商公寫蜀山蒼崖直下竹林間錦城雨後江沙  
白劍閣霜餘木葉殷何處揚雄池盡墨誰家杜甫月

全蜀詩文志 卷十九 三五  
臨關釣鼇海上天空濶待得仙槎一往還

蜀人錙夢良效揚補之掀蓬圖

前人

錦屏山下花如錦却愛清江野水邊  
放筆豈能無直幹掀蓬方欲闢清妍  
最憐半面歌歌扇更笑輕身障舞筵  
君看上林千樹雪繁枝何處獨娟娟

題王庶山水

前人

蜀人徧愛蜀江山圖畫蒼茫咫尺間  
駟馬橋邊車蓋合石花潭上釣舟閒  
亦知杜甫貧能賦應嘆揚雄老

不還花重錦官誰得見杜鵑啼處雨斑斑

題秋日蜀棠

前人

野棠青子來青鳥霜日清妍欲近人  
忽見嫣然紅數萼故鄉思不勝春

酒肆

國朝晏 鐸

半幅青帘柳外斜甕頭春色泛桃花  
遙思昔換金龜處知是長安第幾家

詠柳邊驛前棕樹

劉成德

雲林秋盡葉齊凋棕樹臨風翠羽搖  
江上人家欲聽

兩故栽濃綠當芭蕉

昆橋兩渡

盧雍

橋斷昆江路殘霞水底天渡邊還有渡莫恠急呼舩

桂枝夜月

前人

月白湖光淨波寒桂影繁人間與天上兩樹本同根

全蜀秩文志卷之二十

詩

贈送上

別袁呂州

梁江攄

河梁望壘頭分手路悠悠徂年驚若電別日欲成秋  
黃鵠飛飛遠青山去去愁不言雲雨散更似東西流

贈薛播州十四首

隋楊素

在昔天地閉品物屬屯蒙和平替王道哀怨結人風  
麟傷世已季龍戰道將窮亂海飛群水貫日引長虹



千戈異革命揖讓非至公

兩河定寶鼎八水域神州函關絕無路京洛化爲丘  
漳溢爾連沼涇渭餘別流生郊滿戎馬涉路起風牛  
班荆疑莫遇贈縞竟無由

五緯連珠聚千載濁河清金亡潛虎質閨盡自蛙聲  
聖期伊日暮天祿啓炎精霧生三日重星飛五老輕  
禮宗答上帝改物創群生

道昏雖已朗政故猶未新刻舟涇水濟結網大川濱  
出遊迎釣叟入夢訪幽人植林雖各樹開榮豈異春

相逢一時泰共幸百年身

有帛貴丘園生芻自幽谷塵芳金馬路瀾清鳳池澳  
零露旣垂光清風復流稊傾蓋如舊知彈冠豈新沐  
利心金各斷芬言蘭共馥

自余歷端揆緝熙恧時彥及爾陪帷幄出納先天覽  
高調發清音緝藻流餘絢或如彼金玉歲暮無凋變  
余松待爾心爾筠留我箭

萑葦積歲時契闊同遊處閭闔旣趨朝承明還宴語  
上林陪羽獵甘泉待清曙迎風含暑氣飛雨淒寒序

相顧惜光陰留情共延佇

滔滔彼江漢實爲南國紀作牧求明德若人應斯美  
高卧未褰帷飛聲已千里還望白雲天日暮秋風起  
峴山君儻遊淚落應無已

漢陰政已成嶺表人猶蠹借冠比方新還珠總如故  
楚人結去思越俗歌來暮陽鳥上歸飛別鶴還迴顧  
君見南枝巢應思北風路

北風吹故林秋聲不可聽鴈飛窮海寒鶴唳霜臯淨  
含毫心未傳聞音路猶曼唯有孤城月徘徊獨臨映  
吊影余自憐安知我疲病

養病願歸閑居榮在知足栖遲茂陵下優游滄海曲  
古人情可見今人遵路躅荒居接野窮心物俱非俗  
桂樹方叢生山幽竟何欲  
所欲棲一枝稟分豐諸已園樹避鳴蟬山梁遇時雉  
野陰冑叢灌幽氣含蘭芷悲哉暮秋別春草復萋矣  
鳴琴久不聞屬聽空流水

秋水魚游日春樹鳥鳴時濠梁莫共往幽谷有相思  
千里悲無駕一見杳難期山河散瓊蘂庭樹下丹滋

物華不相待遲暮有餘悲

銜悲向南浦寒色黯沉沉風起洞庭險煙生雲夢深  
獨飛時慕侶寡和乍孤音木落悲時暮時暮感離心  
離心多苦調詎假雍門琴

送宋休遠之蜀

唐張說

求友殊損益行道異窮申綴我平生氣吐贈薄遊人  
結恩事明主忍愛遠辭親艷麗成都俗膏腴蜀水濱  
如何從宦子堅白共緇磷日月千齡旦河山萬族春  
懷鉛書瑞府橫草事邊塵不及安人吏能令王化淳

杜少府之任蜀州

王勃

城闕輔三秦風烟望五津與君離別意同是宦遊人  
海内存知己天涯若比隣無爲在岐路兒女共霑巾  
重別薛升華  
前人

明月沉珠浦秋風濯錦川樓臺臨絕岸洲渚更長天  
旅泊成千里棲遑共百年窮途惟有淚還望獨潛然  
艷情代郭氏荅盧照隣  
駱賓王

迢迢芊路望芝田眇眇函關限蜀川歸雲已落涪江  
外還鴈應過洛水瀍洛水傍連帝城側帝宅層甍垂

鳳翼銅駝路上柳千條金谷園中花幾色柳葉園花  
處處新洛陽桃李應芳春妾向雙流窺石鏡君住三  
川守玉人此時離別那堪道此日空牀對芳沼芳沼  
徒遊比目魚幽徑還生拔心草流風迴雪儻便娟驥  
子魚文實可憐擲果河陽君有分貫酒成都妾亦然  
莫言貧賤無人重莫言富貴應須種綠珠猶得石崇  
怜飛鷲曾經漢皇寵良人何處醉縱橫直如循默守  
空名倒提新纁成慊慊翻將故劍作平平離前吉夢  
蘭成北別後啼痕竹上生別日分明相約束已助宜

家成誠最當時疑弄掌中珠豈謂先摧庭際玉悲鳴  
五里無人問腸斷三聲誰爲續思君欲上望夫臺端  
居懶聽將鷓鴣曲沉沉落葉向山低簷前歸鷺並頭栖  
抱膝當窻看夕兔側耳空房聽曉鷄舞蝶臨階祗自  
舞啼鳥逢人亦助啼獨坐傷孤枕春來悲更甚峩眉  
山上月如眉濯錦江中霞似錦錦字迴文欲贈君劍  
壁層峯自糾紛平江渺渺分青浦長路悠悠間白雲  
也知京洛多佳麗也知上岫遙虧蔽無那短封卽踈  
索不在長門守期契傳聞織女對牽牛相望重河隔

全蜀文志 卷三十一 五  
淺流誰分迢迢經兩歲誰能脉脉待三秋  
情知唾井終無理情知覆水也難收  
不復下山能借問更向盧家字莫愁

送殷大八

陳子昂

禺山金碧路此地饒英靈送君一爲別  
悽斷故鄉情夏雲生極浦斜日隱離亭  
坐看征騎沒唯見遠山青

送金敬陵入蜀

崔信明

金門去蜀道玉壘望長安豈言千里足  
方尋九折難西上君飛蓋東歸我挂冠  
猿聲山碇斷月彩落江寒

從今與君別花月幾新殘

淮南卧病書懷寄蜀中趙徵君綈

李白

吳會一浮雲飄如遠行客功業莫從就  
歲光屢奔迫良圖俄棄捐衰疾乃綿劇  
古琴藏虛匣長劍挂空壁楚冠懷鍾儀  
越吟比莊鳥國門遙天外鄉路遠山隔  
朝憶相如臺夜夢子雲宅旅情初結緝  
秋氣方寂歷風入松下清露出草間  
白故人不在此而我誰與適寄書西飛鴻  
贈爾慰離析

江上寄巴東故人

前人

漢水波浪遠巫山雲雨飛東風吹客夢西落此中時  
覺後思白帝佳人與我違瞿唐饒賈客音信莫令稀

送友人入蜀

前人

見說蠶叢路崎嶇不易行山從人面起雲傍馬頭生  
芳樹籠秦棧春流遶蜀城升沉應已定不必訪君平

送友人內江范崇凱

前人

青山橫北郭白水遶東城此地一為別孤蓬萬里征  
浮雲遊子意落日故人情揮手自茲去蕭蕭班馬鳴

贈兄崇凱

范元凱

洛陽紙價因兄貴蜀地紅箋為弟貧南北東西九千

里除兄與弟更無人

范崇凱內江人奏花萼樓賦為弟一其弟元凱亦自負其才贈

云兄詩

寄栢學士林居

杜甫

自胡之反持干戈天下學士亦奔波歎彼幽栖載典  
籍蕭然暴露依山阿青山萬里靜散地白雲一洗空  
垂蘿亂代飄零予到此古人成敗子如何荆揚春冬  
異風土巫峽日夜多雲雨赤葉楓林百舌鳴黃泥野

岸天鷄舞盜賊縱橫甚密邈形神寂寞其辛苦幾時  
高議排金門各使蒼生有壞堵

寄常徵君

前人

白水青山空復春徵君晚節傍風塵楚妃堂上色殊  
衆海鶴塔前鳴向人萬事糾紛猶絕粒一官羈絆實  
藏身開州入夏知涼冷不似雲安毒熱新

贈花卿

前人

錦城絲管日紛紛半入江風半入雲此曲祇應天上  
有人間能得幾回聞

人日寄杜二拾遺

高適

人日題詩寄草堂遙憐故人思故鄉柳條弄色不惹  
見梅花滿枝空斷腸身在南蕃無所預心懷百憂復  
千慮今年人日空相憶明年人日知何處一卧東山  
三十春豈知書劍老風塵龍鍾還忝二千石愧爾東  
西南北人

送梓州李使君

王維

萬壑樹參天千山響杜鵑山中一半雨樹杪石重泉  
漢女輸賓布巴人訟芋田文翁翻教授不敢倚先賢

送嚴秀才還蜀

前人

寧親真令子似舅卽賢甥別路經花縣還鄉入錦城  
山臨清塞斷江向白雲平獻賦何時至明君憶長卿  
送大理正攝御史判涼州別駕

苑咸

天子念西疆咨君去不遑垂銀棘庭印持斧栢臺綱  
雪下天山白泉枯塞草黃佇聞河隴外還繼海沂康  
送姚評事入蜀各賦一物得卜肆

張九齡

蜀巖化已久淇淇空所思嘗聞賣卜處猶憶下簾時  
驅傳應經此懷賢儻問之歸來說往事歷歷偶心期  
賦得青城山歌送楊杜二郎中赴蜀軍

錢起

蜀山西南千萬重仙經最說青城峯青城嵌岑倚空  
碧遠壓峨眉吞劍壁錦屏雲起易成霞玉洞花明不  
知夕星臺二妙逐王師阮瑀軍書王粲詩日落猿聲  
連玉笛晴來山翠傍旌旗絲蘿春月營門近知君對  
酒遙相思



送裴頌侍御使蜀

前人

柱史纔年四十強，鬢玄髮美清揚朝。天繡服乘恩，  
貴出使星輶滿路光。錦水繁花添麗藻，峨眉明月引  
飛觴。多才自有雲霄望，計日應追鴈鷗行。

送友人入蜀

前人

遠路接天末，吟君與我違。客程千嶂裏，鳥道片雲飛。  
樹色連青漢，泉聲出翠微。錦城花月下，才子定忘歸。

送張節中還蜀歌

盧綸

秦家御史漢家郎，親專兩印征殊方。功成走馬朝天

子伏檻論兵若流水，曉離仙署趨紫薇。夜接高儒讀  
青史，瀘南五將望君還。願以天書示百蠻，曲棧重江  
初過雨，前程後騎下同山。迎車拜舞多耆老，舊卒新  
營遍青草。塞口雲生火候遲，烟中鶴淚君行早。黃華  
川下水交橫，遠映孤霞蜀國晴。筇竹筍長椒瘴起，荔  
枝花發杜鵑鳴。回首岷峨半天黑，傳觴接膝何由得。  
空令豪士仰威名，無復貧女恃顏色。垂楊不動兩紛  
紛，綿帳胡瓶爭送君。須臾醉起簫笳發，空見雙旌入  
塞雲。

送密秀才吏部駁放後歸蜀

權德輿

蜀國本多士雄文似相如之子西南秀名在賢能書  
薄祿日未及故山念歸與迢迢三千里返駕一羸車  
王壘長路盡錦江春物餘此行無愠色知爾戀休廬

成都送嚴十五之江東 前人

江都萬里外別後幾悽悽峽路花應發津亭柳正齊  
酒傾遲日暮川闊遠天低心繫征帆上隨君到剡溪

送人赴黔中 前人

一尊歲酒且留歡三峽黔江去路難志士感恩無遠  
近異時應戴惠文冠

送柳侍御裴起居 武元衡

沱江水淥波喧鳥去喬柯南浦別離處東風蘭麝多  
長亭春婉婉層漢路蹉跎會有歸期日班超奈老何

送李正字歸蜀 前人

已獻甘泉賦仍登片玉科漢官新組紱蜀國舊煙蘿  
劔壁秋雲斷巴江夜月多無窮別離思遙寄竹枝歌

送温况游蜀 前人

遊人西去客三巴身逐孤蓬不定家山近峨眉飛暮  
雨江連濯錦起朝霞雲深九折刀州遠路繞千巖劍  
閣斜因到莊君開卦處將余一爲問生涯

送柳震歸蜀

司空曙

白日雙流靜西看蜀國春桐花能乳鳥竹節競祠神  
蹇步徒相望先鞭不可親知從江僕射登揚更何人

送夔州班使君

前人

魚國巴庸路麾幢漢守過曉檣爭市隘夜鼓祭神多  
雲白當山雨風清滿峽波夷陵舊人吏猶誦兩岐歌

送崔校書赴梓幕

前人

碧峯天柱下鼓角鎮南軍管記催飛檄蓬萊輟校文  
棧霜朝似雪江霧晚成雲想出褒中望巴庸方路分

送龍州樊使君

許棠

曾見邛人說龍州地未深碧溪飛白鳥紅旆映青林  
土產惟宜藥王租只貢金政成開宴日誰伴使君吟

送友人尉蜀中

前人

故友漢中尉請爲西蜀吟人家多種橘風土愛彈琴  
水向昆明闊山通大夏深理閑無別事時寄一登臨

蜀中將迴留辭常相公 歐陽詹

寧體則雲構方前恒食王貧居豈及此要自懷歸憶  
在憂關山遠如流歲華逼明晨首鄉路迢遞孤飛翼  
奉和淮南李相公早秋卽事寄成都武相公

劉禹錫

八柱共承天東西別隱然遠夷爭慕化真相故臨邊  
並進夔龍位仍齊龜鶴年相公詩有齊年並進之句也同心舟已  
濟造膝壁常聯對領專征寄遙持造物權斗牛添氣  
色井絡靜氛烟獻可通三畧分甘出萬錢漢南趨節

制趙北賜山川玉帳觀渝舞虹旌獵楚田步嫵雙綬  
重夢入九城偏秋與離情動詩從樂府傳聆音還竊  
拊不覺撫么絃

始至雲安寄兵部韓侍郎中書白舍人二公  
近曾遠守故有屬焉

天外巴子國山頭白帝城波清蜀材盡雲散荒臺傾  
迅瀨下哮吼兩岸勢爭衡陰風神鬼過暴雨蛟龍生  
硤斷見孤邑江流照飛甍蠻軍擊嚴鼓笮馬引雙旌  
望闕遙拜舞分庭備將迎銅符一以合文墨紛來縈

暮色四山起愁猿數處聲重關郡吏散靜室寒燈明  
故人青霞意飛舞焦蓬瀛昔曾在池蘩應知魚鳥情

送任侍郎黔中充判官 劉長卿

不識黔中路今看遣使臣猿隨萬里客鳥似五溪人  
地遠官無法山深俗易淳須令荒徼外亦解懼埋輪

黔府王中丞楚 孟郊

舊說天下山半在黔中清又聞天下泉半落黔中鳴  
山水千萬遶中有君子行儒風一似扇汗俗心皆平

送蜀客 張籍

蜀客南行過碧鷄木綿花發錦江西山橋日落行人  
少時見猩猩樹上啼

送客遊蜀 前人

行盡青山見益州錦城樓下二江流杜家曾向此中  
住爲到浣花谿水頭

貽蜀五首 并序 元稹

元和九年蜀從事韋臧文告別蜀多朋舊稹性懶  
爲寒溫書因賦代懷五章而贈行亦在其數  
病馬詩寄上李尚書

萬里長鳴望蜀門病身猶帶舊瘡痕遙看雲路心空  
在久服塩車力漸煩尚有高懸雙鏡眼何由並駕兩  
朱幡唯應夜識深山道忽遇君侯一報恩

李中丞表臣

常門向是舊親賓獨恨潘床篔有塵十里花谿錦城  
麗五年沙尾白頭親倅戎何事勞專席老掾甘心逐  
衆人却待文星天上去少分光影照沉淪

盧評事

爲我殷勤盧子蒙近來無復苦時同懶成積薪推難  
動禪盡狂心鍊到空老愛書眠虛夜月病妨盃酒名  
春風唯公兩弟閑因訪徃徃潸然一望公

張校書元夫

未向西川張校書書來稠疊頗相於我聞聲價金應  
敵衆道風姿玉不如遠處從人復謹慎少年爲事要  
舒徐勸君便是酬君愛莫比尋常贈鯉魚

常兵曹臧文

處處侯門可曳裾人人爭事蜀尚書摩天氣直山曾  
拔徹底心清水共虛鵬翼已翻君好去烏頭未變我

何如殷勤爲話深相感不學馮諼待食魚

贈吳士則

前人

憶昔分襟童子郎白頭拋擲又他鄉  
三千里外巴南恨二十年前城裏狂  
寧氏舅甥俱寂寞荀家兄弟半淪亡  
淚因生別魚行舊回首江山欲萬行

贈薛濤

前人

詩篇調態人皆有細膩風光我獨知  
月夜詠花憐暗澹雨朝題柳爲歌  
番長教碧玉藏深處總向紅牋寫  
自隨老大不能收拾得與君開似孝男兒

寄薛濤

前人

錦江滑膩娥眉秀幻出文君與薛濤  
言語巧偷鸚鵡舌文章分得鳳凰毛  
紛紛辭客多停筆箇箇君侯欲  
夢刀別後相思隔煙水菖蒲花發五雲高

送武士曹歸蜀

上曹郎武中丞兄

白居易

花落鳥嚶嚶南歸稱野情月宜秦嶺宿  
春好蜀江行鄉路通雲棧郊扉近錦城  
烏臺陟崗送人羨別時榮

送蕭處士遊黔南

前人

能文好飲老蕭郎身似浮雲髮似霜  
生計拋來詩是

全蜀文志 卷二十一 十一  
業家園忘却酒爲鄉江從巴峽初生字猿過巫陽始  
斷腸不醉黔中爭去得摩圖山月正蒼蒼

自京將赴黔南

竇華

風雨荊州二月天問人初顧峽中船西南一望雲如  
水猶道黔南有四千

送友人遊蜀

賈島

萬岑深積翠路向此中難欲暮多羈思因高莫遠看  
卓家人寂寞揚子業凋殘唯有岷江水悠悠帶月寒

送朱休歸劔南

前人

劔南歸受賀大學賦聲雄小路長江岸朝陽十月中  
芽新抽雪茗枝重集猿楓卓氏琴臺廢深蕪想逕通

送李餘及第歸蜀

前人

知音伸久屈覲省去光輝津濟逢清夜途程盡翠微  
雲當綿竹疊鳥離錦江飛肯寄書來否原居出甚稀  
送雍陶及第歸成都寧觀

前人

不唯詩著藉兼又賦知名議論於題稱春秋對問精  
半應陰騭與全賴有司平歸去峯巒衆別來松桂生



漲江流水凸當道白雲坑勿以攻文擬而將學劍輕  
製衣新濯錦開醞舊燒罌同日升科士誰同膝下榮

送李評事使蜀

王建

勸酒不依巡明朝萬里人轉江雲棧細近驛板橋新  
石冷啼猿影松昏戲鹿塵少年爲客好况是益州春

寄蜀中薛濤校書

前人

萬里橋邊女校書枇杷花裏閉門居掃眉才子無多  
少管領春風總不如

送從舅成都丞廣南歸蜀

李端

巴字天邊水秦人去是歸棧長山雨響谿亂火田稀  
俗富行應樂官雄祿豈微魏舒終有淚還濕窸家衣

送何兆下第還蜀

前人

重河不可涉孤客莫晨裝古木沙城小殘霞棧道長  
梟猿楓子落過雨荔枝香勸爾成都住文翁有學堂  
西蜀送許中庸歸秦赴舉

陳羽

春色華陽國秦人此別離驛樓橫水影鄉路入花枝

日暖鶯飛好山晴馬去遲  
劍門當石隘棧閣入雲危  
獨鶴心千里雀交酒一卮  
桂條攀偃蹇蘭葉藉參差  
旅夢驚胡蝶殘芳怨子規  
碧霄今夜月惆悵上峩眉  
梓州與溫商夜別  
前人

送李餘及第歸蜀

姚合

蜀山高峩峩蜀客無平才  
日飲錦江水文章盈其懷

十年作貢賓九年多迴迴  
春來登高科升天得梯階  
手持冬集書還家獻庭闈  
人生此爲榮得如君者稀  
李白蜀道難羞爲無成歸  
子今稱意行所歷安覺危  
與子久相從今朝忽乖離  
風飄海中船會合難自期  
長安米價高伊我常渴飢  
臨岐歌送子無聲但陳詞  
義交外不親利交內相違  
勉子慎其道急若食與衣  
苦熱道路赤行人念前馳  
一杯不可輕遠別方自茲  
送雍陶歸蜀  
前人

春色三千里愁人意未開  
木梢穿棧出雨勢隔江來

荒館因花宿深山羨客回相如何物在應只有琴臺  
送林立歸蜀 前人

迢遞三千里西南是去程杜陵家已盡蜀國客重行  
雪照巴江色風吹棧閣聲馬嘶山稍暖人語店初明  
旅夢心多感孤吟意不平誰爲李白後爲訪錦官城  
送任畹及第歸蜀中覲親

前人

子規啼欲死君聽固無愁闕下聲名出鄉中意氣遊  
東川橫劍閣南斗近刀州神聖題前字千人看不休

送崔珏往西川

李商隱

平少因何有旅愁欲爲東下更西遊一條雪浪吼巫  
峽千里火雲燒益州下肆至今多寂寞酒壚從古擅  
風流浣花牋紙桃花色好好題詩詠王鈞

寄成都高苗二從事 前人

家近紅渠曲水濱全家羅襪起秋塵莫將越客千絲  
網網得西施別贈人

寄成都高苗二從事是時二公從事商隱坐  
主府 前人

紅蓮幕下紫梨新  
命斷湘南病渴人  
今日問君能寄  
否二江風水接天津

送蜀客

張祐

楚國去岷江西南  
指天末平生不達意  
萬里船一發  
行行三峽夜十二峯頂  
月哀猿別層林  
忽忽聲斷咽  
嘉陵水初漲巖嶺  
耗積雪不妨高唐雲  
却藉宋玉說  
峨眉遠凝黛  
脚底谷洞穴  
錦城晝氤氳  
錦水春活活  
成都滯遊地  
酒客須醉殺  
莫戀卓家壚  
相如已屑屑

送人歸蜀

前人

錦城春棹泝江源  
三峽經過幾夜猿  
紅樹兩崖開日  
色碧巖千仞  
漲波痕蕭蕭暮雨  
荆王夢漠漠春煙  
蜀帝竟長恐  
相如流滯處  
富家還憶卓王孫

送楊秀才遊蜀

前人

鄂渚逢遊客  
瞿唐上去船  
峽深明月夜  
江淨碧雲天  
舊俗巴歛舞  
離情蜀國絃  
不堪揮慘恨  
一涕自潸然

送李長史歸涪州

前人

涪江江上客  
歲晚却還鄉  
暮過高唐雨  
秋經巫峽霜  
急灘船失次  
疊嶂樹無行  
好爲題新什  
知君思不常

閣中送任畹端公還京 任畹蜀人

前人

燕臺上楊王爲人月桂曾輸次第春  
幾日酬恩坐炎瘴九秋高駕拂星辰  
漢庭鳳進鷓鴣行喜隋國珠還水  
府貧多少嘉謀奏風俗斗牛孤劍在平津

贈蜀將一首

蠻人成都功勞

温庭筠

十年分散劍關秋萬事皆隨錦水流  
心氣已曾明漢節功名猶自滯吳鈞  
鵬邊認箭寒雲重馬上聽笳塞草愁  
今日逢君倍惆悵灌嬰韓信盡封侯

奉和門下相公送西川相公兼領相印出鎮

全蜀詩十八韻

杜牧

盛業冠伊唐台階翊戴光無私天雨露有截舜衣裳  
蜀輟新衡鏡池留舊鳳凰同心眞石友寫恨茂河梁  
虎騎搖風旆貂冠韻水蒼彤弓隨武庫金印逐文房  
棧壓嘉陵咽峯橫劍閣長前驅二星去開險五丁忙  
迴首崢嶸盡連天草樹芳丹心懸魏闕往事愴甘棠  
治化輕諸葛威聲懾夜郎君平教說卦犬子召升堂  
塞接西山雪橋維萬里檣奪霞江錦爛撲地酒壚香

忝逐三千客曾依數仞牆滯頑堪白屋攀附亦周行  
肉管伶倫曲簫韶韶清廟章唱高知和寡小子斐然狂

送人入蜀

李遠

蜀客本多愁君今是勝遊碧藏雲外樹紅壓驛邊樓  
杜宇呼名語巴江學字流不知煙雨夜何處夢刀州

賀裴庭裕登第

李搏

銅梁千里曙雲開仙籍新從紫府來天上已張新羽  
翼世間無復舊塵埃嘉祥果中君平卜賀喜須斟卓  
氏盃應笑戎藩刀筆吏至今泥滓曝魚顛

又戲贈裴庭裕

前人

曾隨風水化凡鱗安上門前一字新聞道蜀江風景  
好不知何似杏園春

荅李搏

裴庭裕

何勞問我成都事亦報君知便納降蜀柳籠堤煙矗  
矗海棠當戶鷺雙雙富春不並窮師子濯錦全勝旱  
曲江高捲絳紗揚氏宅時主文寓揚子巷故有此句半垂紅袖薛  
濤窻浣花泛鷓詩千首靜衆尋梅酒百缸若說絃歌  
與風景主人無是碧油幢

寄王播侍御史求蜀牋 鮑溶

蜀川牋紙綵雲初聞說王家最有餘野客思將池上  
學石楠紅葉不堪書

送馬向遊蜀

徐凝

遊子去咸京巴山萬里程白雲連鳥道青壁遶猿聲  
雨露經泥坂煙花望錦城工文人共計應記蜀中行  
旅次遂州遇裴晤負外謫居因寄

鄭谷

誰解登高問上玄謫仙何事謫詩仙雲遮列宿離華  
省樹蔭澄江入野舩黃鳥晚啼愁瘴雨青梅早落帶  
蠻烟不知幾首南行曲留與巴兒萬古傳

送夏侯審遊蜀

耿滯

暮峰和王壘回望不通秦更問蜀城路但逢巴語人  
石林鶯囀晚板屋月明春若訪嚴夫子無嫌卜肆貧  
送李餘及第歸蜀 朱慶餘

從得高科名轉盛亦言歸去滿城知發時誰不開筵  
送到處人爭與馬騎劔路紅蕉明棧閣巴村綠樹蔭  
神祠鄉中後輩遊門館半是來求近日詩

送壁州劉使君

前人

王府登朝後巴鄉典郡新  
江分入峽路山見採鞭人  
舊業孤城夢生祠幾處身  
知君素清儉料得却來貧  
將歸蜀留獻恩地僕射二首

姚鵠成都人

自持衡鏡採幽沉此事常聞曠古今  
危葉只將終委地焦桐誰料却爲琴  
苦累詎報生成德天馬空懷感戀心  
明日還家盈眼血定應迴首卽沾襟  
江上長思狎釣翁此心難與昨心同  
自承丘嶽新恩

重已分煙霞舊隱空龍變偶因資巨浪  
鵬飛誰肯借高風應憐死節無門効  
冰炭潛憐逐轉蓬

送李潛歸綿州觀省

前人

朱樓對翠微紅旆出重扉  
此地千人望寥天一鶴歸  
雪封山崦白鳥拂棧梁飛  
誰比趨庭戀驪珠耀綵衣  
寄雍陶先輩

前人

知音杳何處書禮寄無由  
獨宿月中寺相思天畔樓  
露凝衰草白螢度遠煙  
秋悵望難歸枕吟勞生夜愁  
龍州常郎中先夢六赤後因打葉子以詩上



六赤者散子六枚皆四紅也打葉子今之紙牌李洞

紅蠟香煙撲畫楹  
梅花落盡庾樓清  
光輝圓魄銜山  
冷彩鏤方牙  
着腕輕寶帖  
牽來師子鎮金盆  
引出鳳凰傾  
微黃喜兆莊周夢  
六赤重新擲印成

送東宮賈正字之蜀 前人

南朝獻晉史  
蜀地瞰巴樓  
長棧懷宮相  
踈峰露劍州  
半空飛雪化  
一道白雲流  
若次江邊邑  
宗詩為遍搜

送西川渠常侍之新築龍山城并錫賚兩州

刺史及部落酋長等 薛逢

聖主憂夷貊  
屯師剪束欽  
皇家思眷裕  
星使忽登臨  
用命期開國  
違天必隳碣  
化須均草樹  
恩不間飛沉  
束馬凌蒼壁  
捫蘿上碧岑  
擘川風自熱  
劍閣氣長陰  
迅瀨從天急  
喬橋入地深  
仰觀唯一徑  
俯瞰卽千尋  
水作新城帶  
山為故壘襟  
東開洞君聽  
南闢納蠻心  
渥澤濡三部  
謂三王部落衣冠化兩林  
帶文雕白玉  
符理篆黃金  
鳥道經印棘  
星纏過紫參  
迴軒如知一作睿獎  
休作苦辛吟  
黑眉玄髮尚依然  
紫綬金章五十年  
三入鳳池操國

柄八分龍節付兵權東周城闕中天外西蜀樓臺落日邊莫遣洪鑪曠真宰九流人物待陶甄

送人遊蜀

馬戴

別離楊柳陌迢遞蜀門行君聽清猿後應多白髮生虹霓侵棧道風雨雜江聲過盡愁人處煙花是錦城

送友人遊蜀

張喬

劍閣緣空去西過第幾州丹青行客語明月杜鵑愁露帶山花落雲隨野水流相如曾醉地莫戀少年遊

蜀中上王尚書

章孝標

梓桐花幕碧雲浮天許文星寄上頭武略劍峰環相府詩情錦浪浴仙州丁香風裏飛殘草印竹煙中動酒鈎自古名高閑不得肯容王粲賦登樓

送友人歸邛州

唐求

鶴鳴山下去滿篔簹荷瑤琨放馬荒田草看碑古寺門漸寒沙上雨欲暝水邊村莫忘分襟處梅花撲酒罇邛州水亭夜讌送顧非熊之官

前人

寂寞邛城夜寒塘對庾樓蜀關蟬已噪秦樹葉應秋

全蜀文志 卷二十一 二十七  
道路連天遠笙歌到曉愁不堪分袂後殘月正如鈞

贈弟洎

後唐韓浦

十樣蠻牋出益州寄來新自浣溪頭老兄得此渾無  
用助尔新脩五鳳樓

贈段文昌

無名氏

文昌字墨卿有別業在廣都縣之南龍華山嘗杜  
門力學于此俗謂之段公讀書堂長慶初朝議文  
昌少在西蜀諳詳利病詔授劔南節度使有邑人  
贈詩曰

昔日騎驢學忍饑今朝忽著錦衣歸等閑畫虎驅紅  
旆可畏登龍入紫微富貴不由翁祖致文章生得羽  
毛飛廣都再去應惆悵猶有江邊舊釣磯

送李少府之臨邛

釋無可

邛南方作尉調補一何早發論唯公幹承家乃帝枝  
山長風裊棧江陰石和澌舊井王孫宅過尋獨有期

送杜司馬再遊蜀中

前人

爲客應非願愁成欲別時還遊蜀國去不惜杜陵期  
劔水啼猿在關林轉棧遲日光低峽口雨勢出峨眉

川迥遲殘角山開識遠夷勿令雙鬢髮併向錦城衰

上高相公

薛濤

聞道邊城苦如今到始知好將門下曲唱與隴頭兒  
薛濤本長安良家女父鄭因官寓蜀而卒濤以能  
詩聞外帝舉鎮蜀召令侍酒議以校書郎奏請之  
護軍曰不可乃止濤出入幕府自舉及李德裕凡  
歷事十一鎮以詩與濤唱和元稹白居易牛僧孺  
令狐楚裴度嚴綬張籍杜牧劉禹錫吳武陵張祐  
餘皆名士凡二十一人濤詩罕傳故附見云

上蜀相周庠

僞蜀黃崇嘏

五代王蜀時有崇嘏者本邛女子黃氏蜀相周庠  
初在臨邛嘏以詩上謁庠稱之薦攝府縣吏事明  
敏胥吏畏服逾一載欲妻以女嘏力辭之庠大驚  
召問具述本末乃黃徃君之女未從人惟老妪同  
居此事尤恠元人傳奇女狀元春桃記卽此人也  
一辭拾翠碧江涯貧守蓬茅但賦詩自服藍衫居郡  
掾未拋鸞鏡畫蛾眉立身卓爾青松操挺志堅然白  
壁安幕府若容爲坦腹願天速變作男兒

新都楊濬校

全蜀統志卷之三十



